

THVBALCAIN,
SIVE,
DE MENSVRIS SACRIS
LIBER,
Tribus voluminibus distinctus.

DE CVBITO.

DE SATHO.

DE SICLO.

BENEDICTO ARIA MONTANO
HISPALENSI AVCTORE.

TYPOGRAPHVS LECTORI.

EXHIBEMVS tibi, studiose Lector, non solum mensurarum, ponderum, ac
nummorum, qua in sacris indicantur libris, certam expensamq; rationem, sed
earundem rerum elementa vera, quibus aliorum etiam auctorum, qui aliquid in
hoc genere scripsere, sententiam vera estimatione tenere possis.



ANTVERPIÆ
Excudebat Christophorus Plantinus Prototypographus
Regius: ad sacrorum Bibliorum Apparatum.
Anno M. D. LXXII.

AVCTOR LECTORI.

FREQVENTIS à nobis in hoc libro mentio fit quorundam voluminum, ex quibus bona pars rerum, que hic differuntur, collecta est: quorum quia non ita magna copia apud nos trahere potest, accidere forsitan possit, ut non etiam certa notitia Latinis hominibus constet: quam ob rem opera precium facturi videbamus, si eorum nomina, quae hic passim citantur, Hebraicis & Latinis conscripta literis, hoc in loco proponeremus; argumentis etiam indicatis, de quibus in unoquaque differitur volume. Pertinent autem hæc omnia præter septem postrema nomina ad librum traditionum antiquarum, cuius preceptis & institutis, atque explicationibus Scribae olim ad Synagogam gubernandam utabantur. Hunc nos Venetius repertum, perlegimus, non sine magna utilitate ad multorum in sacris libris locorum explicationem, ut in hoc & aliis nostris legendis scriptis non penitendo exemplio comperies.

כלאים CHELAIM	
שבועה SEBUGHAH	
ערובים GHAURVIM	
ברורות BERVROTH	
שכויות SEBIGHITH	
נזיקים NEZIKIM	
ערחת GHAARLAH	
וותה IOMA	
תמיון THAMID	
פיוח PEAH	
הלו HHOLI sive HALI	
פנתרין ZZANHEDRIN	
תרומות THERVMAH	
קדושים KEDOSSIM	
נדיבים NEDIBIM	
עדיות GHEDIVTH	
נזר NEZIR	
עשרות GHASRITH	
עשרית הושב HASENT	
ונם IADAIIM	
כָּר CHICHAR	
שְׁקָלִים SEKALIM	
אֲלֹות AHOLOTH	
חַגִּיה HHAGIGAH	
כתובות CHETHVBOTH	
בְּכוֹרוֹת BECHOROTH	
ערויות GHERVAIOTH	

Significat Mixtiones. agitur in hoc volume de mixtis rerum: ut vini cum aqua, olei cum melle. De iuramento & iuris iurandi ratione omni. De Heterogeneis, alio genere rerum quæ non rectè ac legitime commisceri possunt. De munditiis: de rebus mundis & immundis, vel ex natura, vel ex contactu. De septimo anno quietis agrorum. De documentis, damnis, detrimentis, factis & acceptis. De præputio, id est, de rebus & personis prophanis. De diebus ac dierum obseruatione. De iugi & quotidiano sacrificio ac munere. De angulo, id est, de agri parte à messoribus prætermissa, & de spicis, &c. De placenta, id est, de libis sacris & eorum ratione. οὐνέδειον, de collegis iudicium & magistratibus religionis causa constitutis. De separatione, id est, primitiarum ratione. De sanctis, id est, obligatis Deo, vel damnatis vel segregatis. De Spontaneis, id est, ultra & sponte oblatis. De testimoniis & testibus. De Nazaræo, sive votis Nazaræorum. De decima. De decima secunda. De manibus, vbi multa de purificatione. De talento, vbi etiam multa de ponderibus. De Siclis, vbi latè differitur de ponderum ac monetarum usu. De Tabernaculis, id est, de obseruatione festi tabernaculorum. De festis & festorum obseruatione. De nuptiis & matrimoniorum ratione. De primogenitis. De turpitudine, hoc est, de illicitis & criminosis.

SUNT præterea libri alij, in quibus præter disputationes in libros Legis institutas, continentur etiam multa omnium generum argumenta, quos hoc in opere præcipue citamus: ex his sunt.

בראשית רבבת BERESSITH RABBAH	Genesis magna.
שמות רבבת SEMOTH RABBAH	Exodus magna.
ויקרא רבבה VAI IKRA RABBAH	Leuiticus magna.
במדבר רבבת BAMIDBAR RABBAH	Numeri magnus liber.
דברים רבבת DEBARIM RABBAH	Deuteronomion magnum.
מדרש רבבת MIDRAS RABBAH	Homeliarium magnum.
גמרא GAMRA	Liber Resolutionum.

BENEDICTI ARIAE MONTANI
HISPALENSIS IN LIBRVM THVBAL-CAIN,
SIVE DE MENSVRIS, PRAEFATIO.



PTIMA sanè iam hominum eſet conditio, ſi ex primo & integerrimo illo naturæ ſtatu, in quo à Deo collocati erant, iij nunquam decidiffent. Neq. enim infinitas animi curas quibus conficiuntur, perferrent: ſed omnes pari conditione viuerent, ac veluti neceſſitudine coniuncti non tam ſibi ſe, quām cæteris natos eſſe putarent, atque ideo in perpetua quadam vi-
tae ſocietate permanentes, ampliſſima, & iucundiffima orbis terrarum habitatione æqualiter fruerentur. Agnoſcerent quippe eam à ſummo illo rerum omnium opifice ſibi, ea lege, con-
ceſſam eſſe, vt in ea ſinguli, vt par est, viuerent, & omnia ad publicum vſum reſerrent.
atque ex iis nullus omnino eſet qui aliquid proprium, aut peculiare ſibi vendicaret, iuxta illud: Ecce dedi vobis omnem herbam afferentem ſemen ſuper terram, & vniuersa ligna quæ habent in ſemetiſis ſementem generis ſui, vt ſint vobis in eſcam, & cunctis animantibus terra, omniq[ue] volucri cæli, & vniuersis quæ mouentur in terra, & in quibus eſt anima viuens, vt habeant ad vſecendum. & factum eſt ita. Ea demum beata hominum vita in hiſce terris dici poſſet, nullisque laboribus, curis, ſolitudinibus, ſuſpicionibus, ac cæteris huiusmodi malis obnoxia eſſet. Natura enim optima ad viuendum dux, nulli ultra modum, & ultra quām ratio poſtularet, aliquid concederet, atque eadem multiplicem rerum omnium copiam omnibus ſua ſponte ſuppeditaret; ac nemo eſſet, cui illa beneficia ſua denegaret. Verū enim uero ex quo homines nefaria quadam audacia & temeri-
tate eo fructus genere quod ne extremis quidem digitis attingere fas iſpis eſat, & quod eos etiam in perpetua, ac debita obedientia retinere debuerat, nulla diuini p̄cepti habita ratione, vſci non dubitarunt, ac proinde, per ſummuſ ſcelus diuiniū etiam honorem affectarunt; illicò ardens illa rerum omnium occupandarum cupiditas in iſorum mentibus inſedit, atque adeò excreuit, vt communem illum terrarum vſum & equali portione hominibus con-
ceſſum, impotenti, & insatiabili quodam animi ardore in priuatos vſus conuerterit; ac vi etiam adhibita, humilio-
res & imbecilliores oppreſſerit, & quæ iure primæuo illo ac naturali omnium eſerant, ad nefarios homines, qui omnia per vim ſibi licere putant, detorſerit. Hinc manarunt immaniffima illa & fædiſſima vitiorum omnium monſtra, quæ deinceps per totum terrarū orbem (beu malum) graſata ſunt. de eo genere ſunt: Fraudes, calumniæ, oppreſſiones, inimicitiae, rapinae, & cætera huiusmodi mala, quæ non ſolum iſpis hominibus, verū etiam cæteris rebus creatis, at-
que hominum cauſa productis, exitium ſunt molita: ſicut ſcriptum eſt, Dixit Dominus ad Noe, Finis vniuersæ carniſ venit coram me, repleta eſt terra iniquitate à facie eorum, ego diſperdam eos cum terra. Etenim Hebraico verbo H H A M A Z Z, pro quo Latini iniquitatem reddunt, omnia iniuriarum & fraudum genera, atque adeò quid-
quid cum iuſtitia atque aequitate pugnat, ſignificatur. Usque adeo vero immanis hæc cupiditas inualuit, & ita altas in hominum mentibus radices egit, vt non niſi in ſigni quodam aliis beneficiendi deſiderio, & charitate, ab homi-
num animis euelli poſſit. Atque ideo inter cætera vita Christianæ teſtimonia hoc, vel omnium luculentiffimum fuit, ut ſobrie, iuſte, pię & caſte omnes vitam degerent, ac nemo priuati commodi cupiditate ductus ſuis rebus priuatiſ ſtuderet, ſed publicæ omnium utilitatis ſtudio omnes tenerentur, & fraterno quodam amore communiter viuerent:
ſicut ſcriptum eſt, Multitudinis credentium erat cor vnum, & anima vna, nec quisquam eorum quæ poſſidebat, di- cebat aliiquid eſſe ſuum: ſed erant illis omnia communia: diuidebatur autem ſingulis, prout cuique opus eſat.

At vero inter eam primi illius & integerrimi humanae vitaे ſtatus corruptionem, & ſpectatam hanc vitaे Christianæ in Dei Eccleſia perfectionem, medius quidam rerum ſtatus à diuino consilio decretus, & institutus eſt, cuius ratione ad diuina voluntatis p̄ſcriptum diligenter obſeruata, hominum ſocietas, atque adeò iſum hominum genus conſeruaretur; ſine iſpa vero omnino dirimeretur & periret: qui quidem ſtatus rerum à diuina illa lege ortum habuit, qua videlicet, cautum eſt, ne dominia rerum ſibi quaque plura adſcriberet, quām quæ proprio labore, induſtria, & ſtudio, citra cuiuſſiam iniuriā, aſsequi poſſet. Ita ut ſi de rerum vſu & poſſeſſione agendum ſit, labore, hoc eſt, industria, ſtudium & opera ius vnicuique ſtatuat ad earum rerum conſecutionem quæ ſibi aut ſuis neceſſaria eſſe vnuſquisque animaduerteret. Nemo vero ex deſidia, otio, & ſegnitie, aliquid conſequatur, ac multò etiam minus ex fraude & iniuria quidquam ſibi adſcribat: ſicut ſcriptum eſt, In laboribus comedes ex terra cunctis die- bus vitaue: ſpinas & tribulos germinabit tibi, & comedes herbas terra: in ſudore vultus tui vſceris pane tuo. Et emiſit Dominus Deus Adam de paradiſo voluptatis, ut operaretur terram de qua aſſumptus eſt. Ex hoc autem Dei iſtituto tum agricultura omnium artium tutiſſima & innocentiffima, ſi recte exerceatur, turn reliqua omnes artes, quæ ad fouendam hominum vitam excogitata ſunt, prodierunt. Atque hinc nata ſunt commercia, ne homines in otio ac deſidia hebeſcerent & languerent, utq. iſpi non tantum ſibi, verū etiam aliis conſulere, ac ſua ope & auxilio, inſeruire cogerentur. atque ita mutuis ſubſidiis earum omniū rerum, quæ in terra gignuntur, vſus facilius comparari poſſet. Igitur ex illa diuini consiliij ſententia, qua Adam ex amœniffimo illo delitiarum horto, in quo ſine labore omnibus rebus creatis fruebatur, eieciſtus eſt, omnes artes, quas induſtria, diligentia, ac ſtudio conſequi quili- bet poſteſt, effluixerunt. hinc rerum & operarum communicatio emanauit: perpetuò enim vigebat ſummi legislatoris edictū, quo decernebatur, ne quis ijs rebus quas terra ſua producebat, illegitimè frueretur, ſed ut ex iis vnuſ- quisque ut decebat, tantum ſibi ſumeret, quantum neceſſitas iſius poſtularet. Hinc pendet etiam omnis illa iuſti- tie pars, quæ commutatiua dicitur: hinc illud frequens ſacra ſcriptura dictum, ut qui ad nullam rem laborat, is neque

neque etiam comedat. hinc illud: dignum esse operarium mercede sua, ac beatum esse eum, & bene cum eo actum iri qui manuum suarum labores comederit.

Cum vero illa, quam iam diximus, cupiditas ita hominum præcordiis inhæreret, ut ad malum ijs semper proclives essent, & iucundissima illa vita societas priuati commodi ardore & immoderata concupiscentia dirimi cœpisset, necesse tandem fuit eam certis legibus, ac statutis coërceri: & querendus fuit modus, quando homines ad beneficentiam & liberalitatem incitari nequirent, quo saltem à damno dando, iniuria inferenda, & planè ab omni maleficij genere deterrentur & auerterentur; ac malorum omnium occasio ipsis eriperetur. Itaque non solum de singularerum rerum naturis, functionibus, & proprietatibus, ne rerum multitudine & varietate homines deciperentur, agi cœpit; verum etiam ne quis re iure sibi debita fraudaretur, atque ita laderetur. Hinc igitur mensurarum & ponderum, atque omnis accipiendæ, reddendæque pecuniae modus ac ratio emanauit; que quidem omnia ad eum usum sunt comparata, ut sanctum & inuiolabile, ac omnino indissolubile humanæ societatis & fidei vinculum permaneret. Mensurarum vero & ponderum usum antiquissimum esse, vel ipsis arce à Noë salutis causa fabrefacte monumenta declarant. Illius enim non solum ipsa structura, certis modis & formis ex diuino præcepto constituit: verum etiam certas ac præscriptas quasdam portiones rerum necessariarū tot animantium generibus, quot in ea conclusa erant, admirabili quadam dispositione, pro loci ratione continuuit. Ex his colligere ac certum habere possumus iam tunc temporis quo Thubal musicæ rationem, & Cain fabrilem artem tradebant, mensurarum, ponderumque rationes in usu fuisse. Neque enim illæ artes, que certis formis ac figuris, & quibusdam præscriptis modis constant, immo quæ modos, mensuras, atque omnia instrumenta cæteris artibus parant, citra modorum, & ponderum præcognitam rationem ab ipsis, qui summi appellati sunt, earum magistris, tradi potuerunt. Est igitur extra controvësiā, ponderum, ac mensurarum inuentionem in corrupto, ac depravato humanæ naturæ statu prorsus necessariam, & commutatiue (quam vocant) iustitiae administram, atque omnium commerciorum arbitram aquisimam, à diuino consilio manare. At vero horum obseruationem sanctam, ac religiosam esse oportere, vel ex eo patet, quod inter præcipua ac perpetua præcepta enumeratam, & summè commendatam videmus: imposita videlicet huius functionis veluti sacræ, cura ipsis Sacerdotibus, quibus post diuinos ritus, & cultum, hoc etiam munus delatum est. sicut scriptum est, Sacerdotes autem super panes propositionis, & ad similæ sacrificium, & ad lagana & azyma, & sartaginem, & ad torrendum, & ad omne pondus atque mensuram. Iam vero quam graue, quam atrox, & Deo, & hominibus inuisum scelus sit ponderum & mensurarum depravatio, utpote quæ fidem labefactet, humanam societatem dirimat, atque sanctissimum illud ius naturæ violet, cuius patet. idque hæc diuinæ scripturæ verba declarant: Statera iusta, & ephi iustum, & batus iustus erit vobis. Pondus & pondus, mensura, & mensura, utrumque abominabile est apud Deum. His accedit & illud, ponderum ac mensurarum usum non solum ad hominum commercia & consuetudinem, sed etiam ad pleraque alia omnino esse necessarium. eius enim cognitio si desit, non parua afferentur hominibus incommoda & detrimenta. In medicina enim nisi certus constituatur medicamentorum exhibendorum usus, ac præfinitus aliquis pro ratione corporis infirmi & temporum anni modus, ex præscriptæ huius obseruationis defectu tota recuperanda sanitatis ratio corruat, iuxta illud: Vtere modico vino propter stomachum tuum, & frequentes tuas infirmitates. Certum autem modum in huiusmodi rebus adhibendum esse vox illa, modico, aperte docet. At in ædificiis & structuris certam normam, mensuram, & proportionem requiri illud certo arguento est, quod nihil quod ad eam rem pertineat, in sacris libris, siue à Principibus & Legumlatoribus, siue à Prophetis institutum est, quin simul etiam ponderum, mensurarumque ratio sit diligenter præcripta. Agriculturæ etiam & rei rusticae ratio, sementis item & plantarum proportiones ex tota hac ponderum & mensurarum cognitione necessariò petuntur. Neque enim aut omnia locis omnibus, aut maiora minoribus conueniunt. Sed certam quandam terræ, seminum, ac plantarum rationem constitui oportet. Id quod ab antiquis fuit diligenter obseruatum: sicut scriptum est, Iuxta mensuram seminis estimabitur pretium agri. Præterea viribus estimandis, oneribusque imponendis atque omnibus certa quadam, nec fallaci ratione cognoscendis, modus & mensura tanquam certissimus testis adhibetur. Sic enim vires Goliath ex armorum pondere sacræ scripture libri pensitandas proponunt. Sic & David viribus illi longè impar ex eo ostenditur, quod ferendo Saulis thoraci sufficere non posset, atque ideo victoria non corporis viribus, sed eximie animi fortitudini, fidei & pietati eius tribuenda sit. Nulla denique in toto orbe terrarum res est quæ finem habeat, ad cuius exactam cognitionem ponderum ac mensurarum ratio tanquam necessaria non afferatur. In itineribus quæ mari, terraquæ conficiuntur, in spatiis omnibus exactè dimetiendis hoc unum indicium spectatur. Ac tandem in rerum omnium perfectione certò statuenda nihil aptius aut commodius, quam mensuræ definitio adhibetur. Usque adeo autem elegans ac necessaria est mensurandi ratio & usus, ut qualibet in re is adhibeat, nihil ad eius rei perfectionem amplius requiri posse existimetur. Qua de causa cum sapientissime constitutam universi orbis structuram, & iudiciorum Dei admirabilem aequitatem suis omnibus constantem numeris Deo gratularetur Sapiens, hæc canebat: Omnia in mensura, numeroque & pondere dispositi. Igitur cum tantum, ac tam necessarium in omni rerum genere estimando mensurarum, ponderum, & nummorum usum, atque horum omnium exactam definitionem quidam nostræ etatis viri doctissimi esse intellexissent, longo studio, nec vulgari diligentia & sedulitate, necnon consultis veterum monumentis, ac rebus ipsis diligenter conquisis, atque ut par est, estimatis, ea quæ ad legum explicationem, atque ad medicinæ tractationem pertinere ipsi existimabant, ad ponderum, mensurarum, & numismatum genera disertis ac subtilibus disputationibus retulerunt. Qua quidem in re quantum omnes elaborarint, nemo, qui eorum libros euoluit, ignorat. Quid autem in hac parte præstiterint, et quantum suis laboribus & industria sint affecti, non est nostrum iudicare. Illud quidem constat, & communī omnium consensu illis hoc tribuitur, eos scilicet, huiusc cognitionis plurimas ac cognitu dignissimas

1. Petal. 23.

Ezec. 45.
Prov. 20.

1. Tim. 5.

Lxx. 27.

Sapient. 11.

gnissimas partes esse asequutos, & sua diligentia aliis ad plura & exactiora inuestiganda viam strauisse.
At verò quæ de ponderum & mensurarum ratione in sacris libris traduntur, quanquam non sunt minoris
ponderis, & auctoritatis quām cætera quæ ab aliis tradita sunt, imò verò eò maioris momenti apud quemlibet esse
debeant, & maiori etiā sint cognitione digna, quò augustinora & sanctiora sunt, idq. non solum ob eorū simplicitatem,
verùm, quod maius est, quòd sacra arcana sèpius significant, ac demonstrent: Attamen ab iis qui ante nos in hoc
quoque genere scripsérunt, aut propter rerum ipsarum vetustatem, aut etiam ob linguarum Orientis imperitiam, aut
ob locorum quorundam, qui in sacris literis inter se pugnare videntur, minus accuratam examinationem, neque exা-
etè tractata, aut certè, nostro quidem iudicio, non satis, pro rei dignitate, ac maiestate grauiter conscripta sunt. præ-
sertim verò cùm tota hæc sacra tractatio ad Græcorum & Italicorum generum rationem ab iis sit relata; atque
ideò non tam ab ipsis explicata, quām perturbata videri possit. Neque enim unius alicuius nationis mensurarum
genera cum aliis ceterarum nationum generibus connecti ac componi debent, nisi planè in omnibus, nullis partibus
exceptis, conueniant. hoc autem raro admodum contingit. Sed singularum nationum genera ex principio & funda-
mento aliquo, ab aliqua rerum natura petito, constituenda, aut ex nudato & aperto aliquo resoluenda sunt. singulis
autem generibus, vi par est, diligenter examinatis & cognitis, facile est deinceps, quid conueniat, & qua etiā in re
alia ab aliis discrepēt, dignoscere. Quamobrem cùm præter cetera multa quæ à nobis ad sacrum Bibliorū Apparatum
vndique comportata sunt, hanc quoque partem non solum iucundam, verùm etiam utilem ac prorsus necessariam sa-
cræ Scripturæ studiosis esse animaduerteremus, quippe quæ ex attenta sacrorum librorum lectione sèpius à sacris
auctoribus distincta ter obseruata deprehendatur, ac præsertim ex antiquissimo illo libro qui ab Hebraic Misnaioth, à
D. autem Hieronymo διερρέωει, dicitur, Latinè autem Repetitiones Legis appellari potest: digna certè eam esse existi-
mauimus cui suus etiam in Regio hoc opere locus daretur, ut sacrorum librorum studiosi, atque adeò tota Catholica
Ecclesia, cui nosmetipso ac nostra omnia nos debere agnoscimus, ex nobilissima hac arte, ac nostris hisce laboribus ali-
quam perciperent utilitatem. Breuis illa quidem, ter propter assiduas occupationes, quibus distinemur, verborum
copia & amplificatione denudata Christianæ Reip. exhibetur: attamen ea est quæ ad sanctæ Scripturæ lectionem satis
esse potest. Quod si Lectores aliquam hac etiam in parte diligentiam adhibere non grauabuntur, non solum ad sa-
crorum librorum intelligentiam, sed etiam ad ea cognoscenda ponderum & mensurarum genera, quæ apud quilibet
nationes obtinent, certissimum sibi aditum patefacient. Vale Lector, & pios hosce labores, quibus nihil omnino
efficere conamur, quām ut homines ad Dei notitiam perducamus, tuis ad Deum precibus adiuua.

THVBAL-CAIN, SIVE

DE MENSVRIS SACRIS.



RIMA M mensuræ originem, in naturæ communibus generibus antiqui statuere; quæ minimè omnium incerta variis locis ac seculis fore existimarent. In omnibus generibus, quod maximè sibi constans esse videtur: hordeum est commune, cuius grana temerè, nec secundùm eximum delectum composita non adeò imparia sunt, ut sena simul coiuncta senis excellant. Ex hac ergo obseruatione effectum esse arbitramur, vt hordeo nomen si G H V R imponeretur. Idem autem si G H V R Hebreis, quod Latinè putatio, cogitatio & quantitas significat; fuitq. & ponderis & mensuræ prima aestimatio, ex hordeigranis; sex enim hordei grana simul coniuncta, ea parte, qua crassiora sunt, digitum vnum pollicem constituunt. Digitus vero pollex prima notabilis mensura est, quæ nomen formamque certam sortitur, appellaturque Hebraicè E T S B A G H. Huius ratio describitur in libro Deuterofewon, à D. Hieronymo appellato, quem nos frequenter citantes Hebraico verbo Misnaioth dicemus, in illo libro tractatu de Chelaim cap. 7. in Paragrapho 8, latè de dígito disputatur.

Est & alia mensura minor, quam digitus hic à nobis modò definitus, eam Hebrei vocant z i t h, minimi in manu digitii crassitudinem continens. De hac autem Camhius in libr. 1. Samuel. cap. 21, pag. 318. facie 2. in exemplati Veneto Bombergiano.

Post digitum est T A P H A H H, quatuor digitorum continens mensuram, vt nobis Simon de Casis Mantuanus eruditissimus in Hebraicis disciplinis, Hebreus, re ipsa ostendit: eius mentio est in coronis altaris. Exod. 25, 24. & in mensæ cedrinæ fabrica Exod. 37, 12. vbi noster Interpres quatuor digitos vertit: fed in labri magni descriptione, tres vncias exposuit. 2. Reg. 7, 26. In libris vero Paral. de eadem re agens, palmum redditum 2. Paralip. 4, 5. Et apud Ezechielem palmum etiam dixit cap. 40, 5. In omnibus his locis definitur à Camhio quatuor digitorum mensura. Hæc dicitur esse medietas. differitur autem de T A P H A H H in li. Misnaioth in tractatu de angulo cap. 3. parag. 1. cap. זר. Vbi definitur vallum, quo prædium à prædio distinguitur altum decem T E P H A H H I M. Vsurpatur aliquando T E P H A H H pro breui & exiguo alicuius rei modulo, vt Psal. 39, 6. Ecce mensurabiles posuisti dies meos, Hebraicè est, ecce palmares, hoc est, breuissimos & præcisos. sed quod in Threnis legimus: Ergone comedent mulieres paruulos suos, ad mensurâ palmæ? aliam interpretationem desiderat, quæ non refertur ad mensuram: namque Hebraicè, paruulos suos palmatos, est.

Est & aliud eiusdem mensuræ nomen z z i t, quæ paulò plus, quam quatuor digiti, cōtinet, hoc est, quantum vola manus inter carpum & digitos extenditur: cuius mentio fit in Aruch. Definitio autem est in Misnaioth de זרנַי g H A R L A H cap. 3. paragr. 5. & in eodem libro tractat. de Sabbatho. cap. 13. parag. 7.

Alia quoque inter Hebreos auctores eiusdem mensuræ nomina reperimus, sed non Hebraica, vt R O Z Z E N I M & R O S N I K E M A. quæ quatuor digitorum mensuram Auctor Aruch exponit; à quo etiam B A T R I eadem mensura dicitur. Huius mensuræ nomen apud Chaldæos paraphrasas inuenitur.

Est etiam Z E R E T H mensura, quæ digitis expansis notatur, ab extremo pollicis usque ad minimi extrellum: hæc constat præcisissimis tribus T E P H A H H I M, hoc est digitis duodecim. huiusmodi om-

nino quadrati erat illud ornamentum in sacerdotis pectore gestatum, quod nostra Biblia Latina Rationale iudicij vocant. Cæterum nomen ipsum Z E R E T H Interpres noster palmum reddit; atque ita extensum palmum digitisque expansis intelligit. Aliud enim est Z E R E T H à T A P H A H H superiori: hoc etiam Hispani vulgari lingua palmum vocant, Itali spanna. Et Palæstinus ille impius sex cubitis & palmo procerus fuisse scribitur, 1. Sam. 17. Illum palmū intelligimus extensum ex nomine Z E R E T H Hebraic. Exod. 28, 17. & 39, 9. Et apud Isaiam, Quis mensus est in pugillo aquas, & cælos palmo composuit? Isai. 40, 12. & apud Ezechielem palmus Latinè dictus idem significat, hoc est Z E R E T H, quæ dimidia pars cubiti est. Ezech. 43, 13. De huius mensuræ definitione differitur ab Helia grammatico in Thesbite in radice תְּרֵתָה. & à Camhio in Dictionarioin Radicibus תְּרֵתָה & חֲמִין. Hanc eandem mensuram T E P H A H H S O H H E K, id est, palmum ludem dici solitæ ex Misnaioth didicimus tract. de Gherubim cap. 1. parag. 8. in Commenta. vbi alter palmus תְּרֵתָה G H A S T I B, id est palmus laborans, vel formatus, dicitur.

LEBANA & ARIAH H.

ARIAH H & LEBANA ædificatoribus nota & vulgata mensura erat, & ad murorum crassitudines, & ad materias etiam notandas. Erant enim lateres coctiles, quorum modus describitur L A B A N A trium palmarum, hoc est duodecim digitorum longitudine, mensura videlicet Z E R E T H, & dimidium longitudinis in latum, videlicet palmi cum dimidio, siue digitorum sex. Huius ratio describitur in Misnaioth libr. tract. de G H A R V B I M, siue mixtis cap. 1. parag. 8. A R I A H H vero laterem definiebat quadratum palmi cum dimidio, scilicet longum, & tantudem latum: de qua in Misnaioth tract. de mixtis cap. 1. parag. 2.

A M A, מָה.

Continet A M A sex T E P H A H H I M, hoc est, digitos quatuor & viginti, frequentissima in omni mensuræ rerum mentione vox, antiquissimaque mensura, ante diluuium etiam solemnis: hac siquidé arcæ Noæ modus à Deo præscriptus est. Gen. 6. Hac vniuersum opus tabernaculi in deserto est definitum. Exod. cap. 23. & 26. & 27. & 30. & 36. & 38. Coturnices in desertum coactæ, non altiores duabus E M A T H A I M hoc est, vt noster vertit Interpres, duobus cubitis volasse dicuntur. Num. 11. Sacerotalium urbium suburbana millenos in ambitu cubitos ex his continebant. Num. 35, 4. Bis mille cubitorum spaciū inter Israelitas, & arcam viarum ductricem erat præfinitum. Ios. 3, 4. Frænum illud, quod subiectionis & deditio-nis causa victoribus offerebatur, huius mensuræ erat, quale Dauid de manu Palæstinorum accepit. id ab Interpretate nostro Frænum tributi est redditum. 2. Samu. 3, 4. Tota etiam templi, atque aliorum, quæ à Salomo perfecta sunt, ædificiorum fabrica, huius mensuræ rationibus commensurata fuit. 1. Reg. 16. & cæteris. Neque vero Hebreis solū, sed aliis etiam nationibus communis hæc mensura fuit. Namque lignum ad Mar dochæ necem paratum, ab Aman quinquaginta cubitis altum fuisse bis cōmemoratur Esth. 5, 14. & 7, 9. Ezechielis templum sibi ostensum, huiusmodi cubito metiebatur ca. 40.41, & 42. usque ad 47. Et Zacharias volumen volans viginti cubitorum longum, & decem latum usum sibi refert cap. 5, 2. Huic rationi inter recentiores cum primis subscribunt Moses Gerundensis in Gen. cap. 6. & in Num. 3, 5. Et Camhius 1. Reg. 5, 28. & Zachar. 5. & 2. Esd. 6, 3. Et ex antiquotibus Ioseph Gorionides auctor Hebraicæ historiæ li. 1. c. 10. In Mis-

Zereth di-
midium
cubiti.

In Misnaioth autem frequens mentio & ratio atque modus huius mensuræ est. Assignant namque veteres aruum quadraginta cubitis quadratum ad sementem **נָס**, id est, Sathi faciendam tracta. de Chelaim cap. 2. paragr. 2. in Commentariis; eodemque loco paragt. i. docemur tres sulcos facere duos cubitos: Præterea in tract. de Sebugha cap. 1. parag. n. scribitur 4. **E M A H** occupare loci spacium, quod capere possit par boum cum iugo. Idemque legimus in tractat. de Gharubim cap. 1. paragr. 8. in Comment.

At verò duplē cubitum fuisse, alterum legale, alterum verò communem ex antiquis obseruationibus intelleximus, cubitumq. Legis certū fuisse, sex videlicet Tepahim siue palmorum, idque indicauit Moses Gerundensis in Gen. ca. 6. qua de re constans omnium scribentium ratio est. Alterum verò cubitum communem quinque tantum palmos continuisse, quantus est vniuersiisque hominis modus, à cubito ad extreemos usque digitos: atque hunc non certum æqualēmū esse posse res ipsa indicat, neque enim eadem omniū hominum mensura est. Vnumquemque verò proprium cubitū suo ipsius modulo & palmo metiri verum est, vt Poeta ait: atque ad eiusmodi cubitum referendum videtur id, quod Moses narrat; Og regis Basam lectum in Rabbath filiorum Amon extare, nouem cubitos habentem longitudinis, & quatuor latitudinis ad mensuram cubiti virilis manus: distinguit enim à cubito legali. Cōtinuisse autem videtur lectus ille palmos ferme quinq. & quadraginta communes in longum, & in latum viginti. existimo autem lectum illum fuisse se-pulchrum ferreum, cuiusmodi ex ære aut marmore principibus olim cōdendis parabantur. Atque ad hanc distinctionem pertinere arbitramur illud, quod in Misnaioth scriptum legimus: nempe fuisse duplē cubitum in Susan Habira, Susis, inquam, regia Medorum vrbe. Misnaioth de Chelaim ca. 17. parag. v. & n. quo loco multa de cubitis vasorum & ædificiorum differuntur. Atque illi solemni cubito sex Tephahhim continent nomen à quibusdam fuisse factum **נְתַחַת אַתִּילָה**, siue axillam Latinè dicere velimus, docet Camhius in Ezechiel. cap. 41, 8. vbi huius cubiti mentio fit. Porrò similes cubitos fuisse in antiquo tabernaculo, & in templo affirmatum legimus in Misnaioth tract. de Beruroth cap. 8. paragr. 7. idque ex illo loco indicatur, vbi legimus: Et hæc sunt fundamenta, quæ fecit Salomon, vt ædificaret domum Dei, longitudinis cubitos in mensura prima sexaginta. Mensuram primam, antiquā tabernaculi interpretamur mensuram.

Huiusmodi gladium illum fuisse accepimus, quem in Eglon perniciem sibi parauit Aod longitudine Gomed, quem Chaldaeus paraphrastes Gerima, hoc est cubitum, siue brachij membrum. Et Interpretes omnes **A M A H** exponunt: atque eam mensuram quidam esse affirmat, quæ Germanicè Dumelna vocatur; nos autem ex ea voce, Gomed nomen Gomito, quod Italicè mensuræ est, factum putamus: locus hic est Iud. 3, 16. quo loco vulgata editio Capulum longitudine palmæ manus habet.

קְרֵמָה Vocatur & hic cubitus **G A R M I D A** ab expositoriis Psalmo 70. in Midras, hoc est in homeliis, & in Haruc etiam Kal vocatur.

DE CANE. **נֶגֶב**.

Continet Cane longitudine sex **E M O T H** cum **Z E R E T H**, hoc est, sex cubitorum legalium cum dimidio. Atque hic est calamus mensuræ ab Ezechiele indicatus. In manu viri calamus mensuræ sex cubitorum & palmi. Ezech. 40, 3. & cap. 41. & 42. identidem. Idem adnotatur à Camhio in hunc locum, & in Ierem. 31, 4. **לְבָב** Hanc mensuram **Z Z A L I L** etiam fuisse dictam, auctor Aruc docet.

KUMAH **קֻמָּה**.

KUMAH humani corporis erecti statura, eaque in-

certa, certis tamen modulis definitur in singulis hominibus, continet enim circiter tres **E M O T H** à pedibus ad caput. quod si erectis pedibus brachia quoque superne sublata tollantur, vnam amplius **A M A H** adiunget sibi, continebitque quatuor **E M O T H**. hæc ratio disertè adnotatur in lib. Misnaioth tractat. de Garubim cap. 4. n. in Comment.

DE MENSVRIS INCERTIS.

Fuere & aliæ mensuræ illis temporibus certæ, non tamen communes, sed certis quibusdam artibus usurpatæ, atque ideo nobis non omnino exploratæ, utpote quarum ratio nullis obseruationibus excepta tradatur. ad hoc genus referuntur in primis lapides **G A Z I T H**, **כְּצָבָה** quorum mensura architectis & murorum artificibus **נְזָבָה** nota erat: id enim verbo ipso indicatum à Camhi & Leui Gersonis filio affirmatur, 1. Reg. 5, 28. & cap. 7, 70. **G V I R V I** etiam in Haruch nomen est incertæ nobis **נְגָרָה** mensuræ.

Porrò ad hæc continuæ mensuræ genera referri potest illud, quod **H H A B I L A H** ab Hebræis dicitur, **נְחַבָּה** nos manipulum reddere possimus. erat enim earum rerum, quæ in fasciculos colligi, colligarique possunt. eius autem definitionem illam assignant, vt non minus contineat **H H A B I L A H** quam viginti quatuor **Z I T H** i. ostendimus autem **Z I T H** minimi digiti quantitatem obtinere. huius ratio exponitur in lib. Misn. de **G A R L A H** cap. 3. paragr. 1.

P I Z Z L A quoque in eodem genere lapis columbae **נְלֹבֶה** forma rotundus & teres est, digitis altus quadraginta & sedecim longus, in Haruch.

M O R B I A corpus est, ex quacunque materia quadratum, tribus **E M O T H** longum, totidem latum, totidem etiam altum, quod cubicum Mathematici dicunt, excepto modo. huius ratio indicatur in lib. Misn. tract. de **S E B I G H I T H** cap. 3. parag. n.

GEOMETRICA RATIO.

Est & alia Geometrica ratio, qua terram ipsam plerumq. demetiri solebat antiqui, siue ambulationibus, siue prædiis & agris metandis operâ darent. Huius simplicissima pars **P A G H A M** dicitur, quam Camhius **בְּגַהָּם** idem significare cum **R E G E L**, hoc est, pede affirmat, eamq. duobus **T E P H A H H I M** definit apud Ezech. in Comm. cap. 41, 6. vbi nos legimus: Latera autem, latus ad latu's bis triginta: Hebraicè ad verbum est, Et latera latus ad latu's tres & triginta **P A G H A M I M**. quo in loco Chaldaeus Paraphrastes singula ex tribus lateribus undecim **P A G H A M I M** fuisse exponit. ex multorum autem locorum collatione **P A G H A M** pedis vestigium significare obseruauimus.

Huic proximum nomen est **T S A G H A D**, quod in Interpretes **P F Z Z I G H A**, hoc est passum siue gressum **נְסָעַת** exponunt. Est autem communis passus nulla certa mensura nobis compertus, quod alij longiores, breuiores alij gressus faciant, neque iidem etiam semper æquales: motus enim animaliū varij sunt, & plerumq. inæquales, tum aliorū ad alia, tum singulorū ad se ipsa relata, iuxta concepti impetus, membrorumque vim. Huius mensuræ obseruatio in lib. Samuelis fit, s. s. e. Cumque transcendissent, qui portabant arcam Domini, sex passus, immolabant bouem & ouem, & arietem. 2. Samuel. cap. 6, 13.

In longioribus autem mensuris prima est **B E R A T H**, **נְמָרָת** quam interpretes miliare vnum esse dicunt, tribus in Scriptura locis notataam, in lib. Gen. 35, 16. Et soluerunt ex **B E T H E L**, & fuerunt adhuc quasi **B E R A T H** terræ, ad intrandum Ephrata. & Genes. 48, 7. Et ego cum venirem ex Padâ, mortua est super me Rahhel in terra Chenaan in via, in adhuc quasi **B E R A T H** terræ ad intrandum Ephrata. Et in li 2. Reg. 5, 19. Et abiit ab eo quasi **B E R A T H** terræ, sic ad verbum, in illis locis legimus. in quibus expositores Hebræi omnes miliare

interpretantur, præcipue Moses Gerundensis Genes. 35. & 47. Et Camhius in illo 2. Reg. 15. Milliare vero vnum mille. E M O T H terræ cōtinere testatur Camhius in Ezech. ca. 48, 2. sed in lib. Misn. vnumquodque miliare partibus, quæ D I Z Z I I M vocantur, mille E M O T H & septem cum dimidia definitur, in tractat. de I O M A cap. 6. parag. 7. Hoc miliare in lib. Haruch C H E R V B dictum legimus.

Dimidium miliare in lib. Samuel. i. ca. 14, 16. significari docent expositores, vbi nos legimus, in media parte iugeris quam par boum uno die arare consuevit: Hebraicè ad verbum est, In dimidio sulco paris boum agri. Camhius sic, vt diximus, exponit. Et Chaldaeus paraphrastes ait dimidium ambulationis paris boum in agro.

Est etiam R V Z Z dictum spaciū terræ 70. K A N I M longum: continet autem K A N A 6. E M O T H cum Z Z E R T H, vt docuimus, hoc est 6. cubitos cum dimidio. Erunt igitur R V Z Z vel R I Z Z (vtroque enim modo scriptum legimus) cubiti quadringenti & quinquaginta quinque. dicitur etiam continere alio mensurandi modo passus ducentos sexaginta & sex, Camhi in Ierem. cap. 31, 4. & Misnaioth de I O M A cap. 6. parag. 7. & tractat. de N E Z I K I M. Eodem etiam loco scribitur miliare vnum, septem R I Z Z I M cum dimidio continere: ex quo consequitur singula ex R V Z Z I M constare debere, cubitis cētum triginta tribus, & tertia cubiti parte, hoc est palmis duobus. Nam aliā prior ratio cum posteriore minimè conueniret: vnde nos suspicamur mendum esse in libr. Haruch, quando in Misnaioth duobus locis aperte dicitur septem R V Z Z I M cum dimidio cōfiscere miliare vnum: aut si R V Z Z eum cubitorum numerum capit, nempe quadringentorum & viginti, hoc pertinere ad magnum miliare, quod alio nomine P A R A Z Z A dicitur, quatuorque ferè miliaribus constare fertur ab Helia, in Thesbithe, & à Mose Gerundense in Comm. Deuter. pag. 137. col. 1. Cuius etiam nominis & rei ratio exponitur in Misnaioth, tractatu de Tham. cap. 3. parag. 7. & apud illius loci Commentatorem.

Quādam præterea mensuræ certis modulis notatae, in rusticæ rei rationibus describendis obseruantur, vt illa, quam vocant S O R A H, Latini porcam in aruo atq. hortis dicunt, quam 4. E M O T H latam esse ex antiquis descriptionibus accepimus, in Misnaioth, tract. de C H E L A I M cap. 3. parag. 1.

Est quoq. aliqua metiendi ratio in arui sulcis: nam qui vult varia in eodem agro semina serere, iubetur inter singula genera spaciū trium sulcorum relinquerre, quæ ferè iugi in terra collocati quantitas est: Dicuntur autē sulci Hebraicè תְּלִמּוֹת Misnaioth de Chelaim. cap. 2. parag. 7.

Illud porrò in mensuræ sermonibus est animadvertisendum, duarum magnitudinum mentione facta, significari longitudinem cum latitudine simul, vt docet Camhius de altari æneo à Salomone facto viginti & viginti cubitorum. i. Reg. 8, 63.

E I V S D E M B E N. A R I A E MONTANI SARAH, SIVE D E S A T O.

BRIMVM cauæ mensuræ nomen Z Z E A H, id est, satū, sacras scripturas legentibus occurrit, antiquissimumque sui usum indicat: quippe Sara tria sata similæ hospitibus exceptis parare ab Abraham viro iussa est. Gen. 18, 6. Solet vero Z Z E A H in partes minores diuisum, nomina etiam minoribus mensuris facere. Atque idem quoque multiplicatum mensurarum genera efficit.

Initium autem omnium harum mensurarum, qui-

bus liquida & arida expedituntur, gallinæ ouum est, id-
qué commune, quod diuiditur in quinque partes, tan-
quam vnciolas. Atque ouum, cum quinta parte eius
quod capit, mensurā efficit, à quibusdam G H A C H A L
dictam, cuius mentio in Midras Raba. cap. 9. & in fine
Gemara in cap. De eo, qui nauem vendit. De oui au-
tem communis ratione obseruanda traditur in li. Mis-
naioth, his verbis: Quantitatū & mensurā fun-
damenta sunt ouum commune, malogranatum com-
mune, oliua communis, carica siue palma communis,
faba communis, lens Ægyptia communis, & hordei
granum commune, item pugillus communis: certissi-
mus autem pugillus, qui in publicis mensuris constat,
fuit pugillus Ben Betiah, id est, viri cuiusdam sua atra-
te noti, cognomento filij Betiah: hæc docemur tract.
de Chelaim. cap. 17. parag. 7. & parag. 1. & paragr. 7.
& parag. 7. וּבָ

D E K A B. קָב

K A B continet semenis & aridorū portionem, quantam oua X X I I I . capere possunt. Misn. de Chelaim. c. 2. parag. 2. & 5. & quarta pars huius mensuræ, hoc est quantum 6. oua ceperint, dicitur Hebraicè ROBEAGH, Latinè quartum neutro genere dici potest. namque fœminino genere R E B I G H I T H , hoc est, quarta, LOG, id est lagenæ, partes spectat; quæ mensura in liquidis est. Seminatur autē tritici K A B V S vnu in arui cubitis decem cum dimidio quadratis, vt definitur in Misnaioth de angulo. cap. 3. parag. 1. & 8. parag. 7. Huiusmodi autem panis & ciborum quantitatē satis ad pastum hominis diurnum esse tradiderunt antiqui, quandoquidem duodena oua satis sunt ad binos pastus singulis diebus, Misnaioth de angulo cap. 8. par. 7. & de Chelaim ca. 2. parag. 5. & 6. Diuidebatur autem Kabus in partes I I I . singulæ autē partes v i. continebāt oua. Atque in lib. Reg. 2. ca. 6, 25. legimus quartā partem stercoris columbarum quinque argenteis ve-
nisce, aliquando in Samaria, ciuibus fame ac bello op-
pressis: hæc eadem confirmantur in Misnaioth, tractat. de Therumoth. cap. 3. parag. 1. & de Gharubim cap. 5. parag. 2. in Comment.

Z Z E A H S A T U M. סָטָם

Sex K A B I M, vnum Z Z E A H efficiunt, hoc est, oua C X L I I I . vt docemur in lib. Misn. de P E A H, siue de angulo. ca. 3. parag. 8. in Comm. Ibidem etiam in contextu ipso duo Z Z E I M X I I . K A B. continere dicūtur parag. 1. & eodem tract. cap. 6. parag. 1. vbi fascem tritici continentem Z Z E A H cum culmis ipsis tantū esse docemur, quantum quispiam sibi ipsi humero deferendum tollere potest. Deinde pro tribus hospitibus Abraham uxorem iubet tria Z Z E I M similæ parare. Gen. 18, 6. quo in loco Gerundensis Moses eadem omnino indicat. Idem in Leuit. 22, 14. Z Z E A H in quinque par-
tes diuidi solere ait; quarum quintæ mentio, in eodem loco, facta est. Abigail quinque polentæ sata inter alia munera, Dauidi obtulisse commemoratur. Helias dum de vero Dei numine, aduersus superstitionum colle-
gia contenderet, canales effodisse dicitur, quantum foli caperent duo sata semenis, id quod noster Inter-
pres quasi duas aratiunculas vertit. est autem illud spaciū l. cubitorum in quadro, vt exponit in eum locum Camhius, atque idem etiam in Comment. Eze-
chiel. cap. 45, II. Idemque asseritur in Misnaioth in tract. de Chelaim cap. 2. parag. 2. in Comment. & para-
g. 5. in Comm. & in tract. de S E B I G H I T H cap. 2. para-
g. 2. in Comment. Et Misnaioth tract. de Gheru-
bim scribitur centum arui cubitos in longitudinem, &
l. in latitudinem facere semenis duo Z Z E I M , cap. 1.
parag. 1. & cap. 5. parag. 2. & 1. in Comment.

Hæc etiam illa mensura est, quam Helisæus prophe-
ta indicabat, cum prædiceret futurū, vt postero die mo-
dius similæ uno statere & duo modij hordei tantidem
venirent in foro Samariæ 2. Reg. 7, 1. & vers. 16. & 18.

Erat autem hæc mensura certa vasis forma satis vul-
go nota-

gō notabilis, in cuius medio signū erat expressum, quo dimidium mensuræ ipsius dignoscetatur; vt legimus Misnaioth tract. de Theruma cap. i. parag. i.

Rursus etiam in eodem tractatu scribitur, certam etiam mensuram fuisse dimidium ZZEAH. hoc est, tres Kabos continentem, eodem cap. parag. i.

Hanc verò mensuram tempore secundi templi in vsu etiam fuisse declarat Euangelium Matth. 13, 33. Sed antequam Israelitæ terram promissam tenerent, in desertoque agerent, minori vtebantur ZZEAH, quām post captam regionem Ierosolymamque habitatam, vt traditur in lib. Misnaioth, tractatu de Minhha cap. 7. paragr. 8. quo loco v. i. ZZEIM deserti v. Ierosolymitana ZZEIM efficere memorantur.

DE E P H A H קְבָשׂוּ מִשְׁעֵן

Epha siue ephi tria cōtinet ZZEIM, hoc est sata tria: quæ si in Kabos diuidantur, x viii. conficient Kabos: Eius autem partes apertè significatas in sacra obseruamus historia; namque Ruth Moabitæ, spicis collectis & excussis, quasi Ephi, id est tria ZZEIM inuenisse commemoratur. quod Interpres noster tres modios vertit. Ruth 2, 16. Quod si ad primas mēsuræ rationes procedat diuisio, reperiemus in Ephaua ccccxxxii. contineri. Hæc est autē mensura in Euangelio significata trium satorum nomine, Matth. 13, 33. quo in loco interpretatione rem Christus expressit. hanc etiam mensuram intelligimus illam fuisse hordeorum, quam Gedeon in panes coxit angelo se alloquuto proponendos, quamvis Latinè modium legamus, Iudic. 6, 19. Latini enim interpretes Latinis verbis & notis vti studuerunt. In libr. autem Samuelis primo ca. i. hac eadem mensura farinam Anna Samuelis mater tēplo obtulisse dicitur, quam in Latinis vulgatæ versionis exemplaribus quibusdam, sic legimus indicatam. Et adduxit eum secum, postquam ablactauerat, in vitulis tribus, & tribus modiis farinæ. tres modios cūm legimus, tria sata, vt superius obseruatū est, intelligimus. hæc enim faciunt vnum Ephaua. In aliis verò etiam vetustis exemplaribus Latinis legitur: In tribus vitulis & uno modio farinæ. atque hæc lectio modium idem esse vult quod Ephaua. Namq. Hebraicè ita scriptum est, VE E P H A H E H H A D K E M A H H. Et Ephaua vnu farinæ. Tantundem polentæ Dauid fratribus in militia agentibus, à Iesse patre ad tribunum deferre iussus est. i. Samuel. cap. 17, 18. Hanc quoque mensuram Isaias 5, 10. nominat, in illa à se prædicta terræ sterilitate: Et triginta modij sementis facient modios tres. Hebraicè est, Et semen HHOMER faciet EPHAH. Quæ sit HHOMER ratio inferius exponetur. Et hæc etiam mensura s̄epius ab Ezechiele duobus capitibus repetita, cap. 45. & 46. Et quam mensuram minorem, iræ plenam dixit Michæas cap. 6, 10. hanc ipsam Ephah Hebraicè nominat. Zacharias autem arcana illa visione, per totum quintum caput enarranda, Ephaua s̄epè repetit. De hac etiam mēsura inter Hebreos auctores agunt Camhius, & Salomon Iarchi. Ezech. 46. in Comment. Chaldaicum autem huius mensuræ nomen est CHAILA, vt in Thargum obseruatur, Proverb. 20, 10.

Atque hanc regiam & maximè communem ac celebrem mensuram fuisse, cæterarumque mensuræ omnium rationes continentem, ad publica etiam commercia maximè omnium usurpatam, tum frequentissima illius mentio in factis & prophanis rebus mensurandis, tum illud cum primis ostendit: quod cūm de mensuris, vel æquis, vel iniquis agitur, huius tantum generis tanquā cæterorū exéplaris mentio fit. vt Deut. 15, 24. Nec erit in domo tua modius maior & minor, verū modius æqualis, &c. Hebraicè est, Neque erit in domo tua EPHAH & EPHAH, verū Ephaua integra & iusta erit tibi, &c. Et illud Proverb. 20, 10. Pondus & pondus, mensura & mensura, abominatio apud Dominum. Hebraicè est, Lapis & lapis, Ephaua & Ephaua. Et apud Amosum cap. 8, 5. Quando transibit

messis, & venundabimus merces, & aperiemus frumentum vt minuamus mensuram: Hebraica lectio habet, vt minuamus Ephah. Diuiditur autem Ephah in certas partes sui tantum ratione habita, non satorum, ex quibus componitur.

DE G O M E R קְמֹר

Gomer decimam partem Ephaua esse ipse nobis legislator præscriptum reliquit. Sic enim legimus: Dixitque Moses ad Aaron, Sume vas vnum, & mitte ibi Man quantum potest capere Gomer, & repone coram Domino ad seruandum in generationes vestras, &c. Et subiunxit: Gomer autē decima pars est Ephaua. Exo. 16, 36. Cūm verò Ephah x viii. Kabis definita superius sit, consequitur Gomer vnum Kabum cum dimidio, & quintam Kabi partem capere. Fuit hæc in deserto celebris, ac s̄epè repetita mensura, quod singulis diebus plena Man, in singula capita distribueretur. Exod. 16. s̄epè repetitur. Nomen autem accepit à ministerio, quod in singulos dies victum suppeditari, huius mensuræ ministerio contingenter. Inde etiam frumenti manipulo accessit, quod tantum tritici aut hordei contineat, quantum Gomer capiat. de quo scriptum est Leuit. 23, 10. Feretis manipulum spicarum primitias vestras ad Sacerdotem, qui eleuabit fasciculum coram Domino; atque eodem die quo manipulus consecratur: & numerabis ab altero die Sabbathi, in quo obtulisti manipulum. In illo toto loco manipulum vel fasciculum ex nomine Gomer Interpres transtulit. & Quando messueris segetem in agro tuo, & oblitus manipulum reliqueris, non reuenteris, vt tollas illum, &c. Frequens mentio de manipulo, hoc est, de Gomer in sacris libris est. Dicitur autē Gomer interpretibus Chaldaicis HALAH siue HALTHA. ratio huius mensuræ etiam exponitur in lib. Misnaioth tract. de Halah cap. 2. parag. 1. iii Comment.

DE CORO ET HHOMER כְּרוֹמֶר

In liquidorum & aridorum mensura recensenda Chor nomen inuenitur eodem sacræ Scripturæ libro 1. Reg. 4, 22. Erat autē cibus Salomonis per dies singulos xx x. Cori similæ, & lx. Cori farinæ. & proximè sequenti ca. vers. 11. Salomon autem præbebat Hiram viginti millia Coros tritici in cibum domui eius, & xx. Coros purissimi olei. Continet autem Corus ZZEM, hoc est Sata triginta, sicut docemur in lib. Misnaioth tract. de angulo cap. 5. parag. 8. in Comm. & tractatu de Chelaim cap. 2. parag. 2. & tractat. de KEDOSIM. cap. 3. parag. 1. in Comment. & tract. de votis, cap. 8. parag. 1. & Camhius in 2. Paral. 4, 5. afferit duos Coros continere lx. Sata.

Est itaque Coros capax decem EPHAH: siquidem Ephah tria sata continet, vt iam differuimus. In Geometricis autem rationibus adnotatum est, Agrum coro tritici serendum, non minorē esse oportere, quām cubitorum septingentorum & triginta millium. quæ ratio in lib. Misnaioth subducta est tract. de NEZIKIN ca. 3. parag. 1. in Comment.

Camhius diligens rerum obseruator idem esse COR & HHOMER scripsit, & in Comment. Isai. 3, 10. & Ezech. 45, 10. & 2. Paral. 27, 4. & Ose. 3, 1. Propriè verò vim vocis expendentibus HHOMER cumulum nobis significat. Atque in Lege, Si quis voveret agrum, pretio constituto redimere poterat, partitus videlicet in partes capaces singulorum HHOMER, atq. in singularem partium redemptionem l. siclis expensis. Quod verò Hebraicè dicitur HHOMER in illo loco Leuit. 27, 16. Interpres noster vertit triginta modios, quod tantundem est atque HHOMER: nam HHOMER eadem est cum Coro mensura; Corum autem triginta Sata facere docuimus, atque ita triginta modios apud Interpretem nostrum definire conuenit. Idem Interpres alio loco pro HHOMER Corum vertit, quod idē omnino vtriusq. modus sit. Num. 1, 32. sic nostra versio: Surgens ergo populus toto dic illo & nocte, ac die altero congregauit cotur-

uit coturnicum multitudinem; qui parum, decem Coros, Hebraicè decem Hhomerim. Apud Isaiam quoq. triginta modios, hoc est Sata triginta, pro Hhomer versum legimus: Et triginta modij sementis facient modios tres, Isai. 5,10. Hebraice, Et Hhomer sementis faciet Ephah. Iam verò ostendimus Ephah esse tria Sata, quos Modios tres noster dicit Interpres. Apud Ezech. etiā pro Hhomer sēpē Corū noster Interpres reddidit, cap. 45, 11. Vulgata versio habet: Ephi & Batus, æqualia & vnius mensuræ erunt, ut capiat decimā Cori partem Batus, & decimam partem Cori Ephi, iuxta mensuram Cori erit æqua libratio eorum: Hebraicè sic ad verbum Ephah & Bath ratio vna erit, ut ferat decimum Hhomer Bath, & decimam Hhomer Ephah, ad Hhomer erit proportio eius, videlicet Ephah. Et paulò pōst, vbi nostra versio habet: Et hæc sunt primitiæ, quas tolletis, sextam partem Ephi de Coro frumenti, & sextam partem Ephi de Coro hordei, mēsura quoq. olei, Batus olei decima pars Cori est, decē Bati Corum faciunt; quia decē Bati implent Corum: Hebraicè sic legimus, Hæc sublatio, quā sustolletis sextā Ephah ex Hhomer triticorum, & sextam Ephah ex Hhomer hordeorū: Et statutū olei Bath olei, decimum est Bath ex Coro; decem Bathi sunt Hhomer. Ex quo etiā loco docemur, Hhomer quoq. liquidorum & aridorum fuisse mensuram. Idem etiā nomen Hhomer Hebraicè apud Hos. est, vbi Latinè legimus: Et fodi eam mihi x v. argenteis, & Coro hordei & dimidio Coro hordei, sic enim Hebraica habent: Et emi eam mihi in Hhomer hordeorum & LETHECHE hordeorum. Aramaea lingua Hhomer Chiph dicitur, & apud auctore Aruch Ghora, Arabica ut videtur, pronuntiatione vocatur.

DE LETHECH. לְתֵךְ

Superiori capite postremū citatus locus monuit, ut LETHECH etiam rationem expenderemus. Est igitur LETHECH mensura dimidium Cori continens, hoc est quindecim Sata, ut traditur in Misnaioth lib. tract. de Iuramento iudicium cap. 3. parag. 1. Idem etiā indicatur ab auctore Haruch & in Midbar Rabbah. & Exod 27. & 37. In eodem lib. Camhius etiam & Salomo Iarchius & Joseph Hispanus in Comment. Hosex 3, 2. eandem omnes rationem confirmant. Et in Misnaioth tract. de Sebighoth cap. 6. parag. 1. idem explicatur. Dicitur autem in loco Misnaioth superius citato, de Sebighoth cap. 3. parag. 1. LETHECH esse iustum asini onus. huius etiam mensuræ dimidiā partem certo vase fuisse æstimatam coniçimus ex nomine ARDAB, in lib. Haruch explicato, quod dimidium Lethech significare dicitur: quanquam satis aperte videtur nōmē non Hebræum, sed Aramaeū esse.

Erat etiam CHILCHAL mensura qua fructus decimantur, ter in anno taxanda, Misnaioth tractat. de primitiis, cap. 4. parag. 1.

Eft itaque hæc aridorum mensura summa ratio.

Ouum diuiditur in quinque partes.

Ghachal	ouum & quintum eius continens.
Kab	quantum viginti quatuor oua, facit.
Quartum Kab	sex ouorum mensura.
Zzeah siue Satum	facit sex Kabos.
Ephah siue Ephi	tria Sata continet.
Ghomer	decima pars est Ephah.
Corus	decē Ephah capit. hoc est, Sata triginta.
Hhomer	idem cum Coro est mensura.
Lethech	dimidium Cori siue Hhomer est.

De quibusdam aliis vasorum & mensurarum minus celebri ratione nominibus.

ZZAL, Canistrum vertit Latinus, esse poterat certæ & incertæ mensuræ, ut traditur in libr. Misnaioth, tract. de Theruma cap. 1. parag. 1. huius mentio fit

Matth. 14. de reliquiis fragmentorum, quæ duodecim cophinos implerunt: Namque Syricè dicitur CHVPHA idem quod Hebraicè ZZAL, vnde Cophinum dictum arbitramur.

MISPAL vas est ex palmarum foliis, vel ex sparato vel alia huiusmodi plicatili materia contextum, quod asinis, ad aridorum onera ferenda imponitur. In eoque deferri possunt fructuum genera omnia, vt pomorum, frumentorum, nucum & baccarum, terra item, arena, & calx, pix, & cætera: capiebat integrum LETECH, ut definitur lib. Misnaioth, de Sebighith, cap. 2. parag. 8.

KALZZATRA vas coriacum quatuor Cabos continent, ad usus vulgares ministerij: cuius rationem in Haruch legimus.

EIVSDEM BEN. ARIÆ MONTANI EZECHIEL SIVE DE BATO.



ONSEQVENS est, ut de liquidorum mensuris differamus; quæ quanquam ad aridorum rationes referri possunt, habent tamen suam priuatam & vasorum materiam, & nominum interdum etiam observationem. Atque huius intentionem altera usu ipso priorem fuisse non arbitramur; quippe cum vini & olei usum multò quām tritici & hordeorum posteriorem fuisse existimemus. A prima enim, post Adam hominibus, memoria frugum culturam fuisse constat, hoc est à Caini temporibus. Vini verò & olei ante diluvij tempora, nulla nobis mentio est in sacris libris observata. Est autem liquidorum mensura non minùs quām aridorum sacra, quippe quæ ad commerciorum rectum usum instituta sit; & in sacrificiorum & templi ministeriis, ad olei & vini portiones adnotandas adhibita.

Primū in hoc, sicut in aridorum genere locum teneat gallinæ ouum commune; cuius de partibus, in superiori volumine differuimus.

DE LOG, LOGIO, siue LAGENA, לָגָן

Vas in primis effictum est, quantum sex ouoru gallinæ communium testis capi posset, excipiens, cui nōmē est ineditum Log: ex qua voce lagenam dictam existimamus, quanquam nō omnino cum Log conuenientem, si mensuras conferamus. Huius autem ratio & quantitas traditur in libris antiquis Misn. tractatu de angulo, cap. 8. parag. 1. Vbi etiam adnotatur ex ZZEAH oliuarum immaturarum exprimi quartam partem Log: & ex maturarum eadem mensura medium Log olei exprimi. Idem etiam docemur tract. de Sebighith cap. 4. parag. 1. Atque in eodem lib. tract. de HHALI, cap. 2. parag. 1. dicitur Log continere vigesimam quartam partem ZZEAH. Atqui ZZEAH centum quadraginta & quatuor oua cōtinet, cuius vigesima quarta pars sunt sex. Idem etiam explicatur eodem lib. tract. de Sanhedrin, cap. 8. parag. 1. & apud auctorem quoque Haruch idem legimus.

Apparet autem Log olim in partes octo, veluti unicas fuisse diuisum. Namque in illo eodem lib. mentio fit dimidi Log, & quartæ & octauæ partis Log. Adnotatur præterea in mensuris liquidorum nomen REBIGHIT, id est quartæ, semper debere ad Log referri. Misnaioth, in tractatu de primitiis cap. 8. parag. 1. & cap. 11. parag. 1. Huius mensuræ mentio fit Leuit. ca. 14, 10. pro qua Latinus Interpres sextarium reddidit, atque etiam 12, 16, 21, 24. versibus.

DE HIN. הִין

HIN celebris & maximè vulgatis mensura fuit, in vini &

vini & olei rationibus exponendis, quam Interpres nostri, eodem nomine Latinis auribus reddidit. Continuit autem in duodecim Logim, hoc est oua septuaginta duo, ut docemur in lib. Misnaioth tract. de Ghedieth. cap. 5. parag. 1. Atque in sacrificiis huius mensuræ frequens fit mentio, ut Exod. cap. 29, 40. & ca. 30, 24. vbi, quemadmodum iam indicauimus, idem nomen Hin, ab Interpretate Latino antiquo est expressum. sed in Leuit. 19, 36. Latinè sextarium, pro Hin est possumus; ita ut Latinis harum mensurarum nominibus non semper standum sit, sed res ipsa, ex Hebrea veritate petenda: in cap. verò 23, 13. Hin quartam partem Latinè legimus, Hebraico verbo retento: itidem & Leui. 15, 4. vertitur quarta pars Hin: & eodem cap. ver. 5. Tertiam Hin partem etiam Latinè explicatam habemus. & vers. 7. eiusdem ca. & vers. 9. & 10. Medium Hin vini & olei est: & cap. 28. vers. 5. & 7. Quartam etiam Hin partem, & vers. 14. Medium Hin & tertia Hin, & quartam Hin præscriptas videmus. Ezechieli etiam aquæ potus ad sextam partem Hin concessus est. Ezechiel. ca. 4. ver. 11. & c. 45. ver. 4. & c. 46. ver. 5. & 6. & 11. integri Hin mentio fit. & vers. 14. tertia pars Hin commemoratur. Quibus ex locis duó obseruauimus: alterum, Hin divisionem, usque ad sex partes, unde consequitur fuisse mensuram totius Hin & dimidiæ partis, & tertiae & quartæ & sextæ. Erat autem sexta pars unum Log, quarta unum cum dimidio, tertia duo Log, dimidia tria Logim; oportet igitur dimidiij Log mensuram etiam exsuffisse. Alterum verò quod obseruamus, illud est, partes Hin nunquam in sacris libris notari, etiā ipsius Hin non appellato nomine: id quod omnibus exemplis fit manifestum. nam si quando quarta absolute dicitur, id de quarta parte Log esse accipendum, ex antiquorum doctrina, in superiori cap. docuimus.

DE BATH siue BATHO.

Bath siue Bathus in vino & oleo eiusdem omnino mensuræ rationem sequitur, quam Ephra, in aridis demetiendis habere obseruauimus, hoc est quantum tria satha; quæ si ad log referantur, singuli Bathi capient logim LXXII. hoc apud Ioseph Hispanum cognimento Abarbenel expositum legimus, lib. 1. Reg. 7, 27. & eodem etiam loco apud Camhium, id quod ab illis ex Ezechiele acceptum existimamus, qui eiusdem utramque mensuram capacitatis esse, disertis exponit verbis: Statera (inquit) iusta & Ephi iustum, & Bathus iustus erit vobis. Ephi & Bathus æqualia, & unius mensuræ erunt, ut capiat decimam partem cori bathus, & decimam partem Cori Ephi; iuxta mensuram Cori erit æqua libratio eorum, Ezech. 45, 10. & paulò inferius, Mensura quoque olei Bathus olei, decima pars Cori est, & decem Bathi Corum faciunt, quia decem Bathi implet Corum. Marc illud à Salomone in templo consecratum, bis mille bathos capiebat, ut explicatur aperte 1. Reg. 7, 27. Quod verò in codicibus vulgatis nostræ versionis additum est, & tria millia metretas, in Hebraica lectione id non est, in illo loco. atque in quibusdam manuscriptis exemplaribus omnino abest. Legimus verò apud Camhium, vas quod caput bis mille bathos liquidorum, posse tenere ter mille aridorum bathos, eò quod cumulus ex aridis additus mediæ parti totius excepti, æqualis sit. Cuius rei fortasse significandæ causa, illud, tria millia metretas, ab aliquo est adiunctum. Salomonem quoque Tyriis ad lignorum cæsionem destinatis, viginti mille bathos vini totidemque olei dedisse legimus. Animaduertendum tamen est, in vulgatae nostræ editionis nonnullis exemplaribus satha scriptum esse pro bathis, decepto fortasse librario, ex affinitate vocum. 2. Paralip. 2, 10. Apud Isaiam, vbi Latinè legimus, Decem iugera vinearum facient lagunculam vnam; lagunculae nomen bathum significare, ex Hebraica lectione, interpretamur, Isai. 5, 10. In libro etiam 1. Reg. 7, 38. legimus singulos ex decem luteribus æncis, à Salomone in templo dica-

tis, continuisse quadragenos bathos, fuisseque quatuor cubitorum diametri videlicet. Namque vas rotundum quatuor cubitos in diametro habens, quod medium circulum constituit, nouies nouem, in vniuersum, cubitos continet; ut ostendunt ij, qui de cubitorum proportione ad satha disputant. In quibus est præcipuus Leui Geronides in eundem locum scribens. Atque quadraginta bathi nouies nouem cubitis excipiuntur.

DE COR siue HHOMER.

De Coro & Hhomer iam in superiori volumine est à nobis disputatum; sed illud hoc loco indicare operæ precium visum est, Cori & Hhomer mensuræ quæ decem Ephra continent, ad liquida etiam expendenda, pertinere. Nam lib. 3. Reg. 5, 11. viginti coros purissimi olei Hyrano regi Salomonis dono obtigisse legimus. Idem etiam affirmat Camhius, in illo loco, & apud Isa. 5, 10. & Ezech. 45, 10.

DE CAD O.

Cadus vulgaris olim fuit, sed non certæ ac præcisæ mensuræ, quæ ad commercia expedienda usurpatetur; non erat tamen nimis magnæ, neque exiguae etiam capacitatis, nimirum quantum aquæ virguncula humeris imponere posset ferendum, sicut scriptum est, Ecce Rebecca egrediebatur filia Bathuel filij Melchæ vxoris Nachor fratri Abraham, habens hydram in scapula sua. Hebraicè est: Et cadus eius in humero eius. Et Gedeonis milites cados huiusmodi inclusis torribus noctu Madianitas aggressi ferebant, quas lagenas noster vertit Interpres, Iud. 7, 16. Atque illa vase fictilia erant, ut ex eodem cap. liquet. singuli enim repente suos cados fregere. In eiusmodi cadis farina etiam conseruabatur, ut apud illam viduam Sareptanam obseruauimus. 3. Reg. 17, 12. Viuit Deus tuus, quia non habeo panem, nisi quantum pugillus capere potest farinæ, in hydria, Hebr. in cado. Denique ministeriis domesticis vulgare atque frequens vas cadus erat; ideoque ad portandum habilis. Implete (inquit Elias) quatuor hydrias aqua, Hebr. quatuor cados. 1. Reg. 18, 34. Et Salomon, Ante, inquit, quām conteratur hydria super fontem. Eccles. 12, 6. Huius nominis & vasis meminit Iosephus Gironides Hebraeus scriptor, libr. 1. pagin. 10. col. 1. Est etiam in lib. Misnaioth huius rei mentio facta tractat. de Sebighith, cap. 5. vers. parag. 7. De vase quinque cadorum olei, & quindecim vini, quæ sigulis vendere licet in septimo anno.

Est & alia brevis mensura Hebr. MESVRAH dicta, קורשׁ quam singulis vicibus bibere iubebatur Ezechiel ca. 4, 11. ea trigesimam partem Log capere traditur à Camhio in eum locum.

Fuit & THARVAD apud antiquos, cochlear magnum duos pugillos capiens, de quo in lib. Misnaioth, tract. de Nezir, cap. 7. parag. ב.

Fuit in vsu & aliud cochlear ligneum, quod ZZIZZ סִיר dicebatur, vinciæ ferè capax, ut describitur in Haruch.

KORTOB mensuræ genus fuit, tres ouï partes, ex קורטוב quinque continens; quod in Haruch indicatur.

KEPHIZA in lib. etiam Haruch describitur, Ara-mæum nomen, & centesima pars Cori esse dicitur quadraginta trium ouorum & quintæ ouï partis.

KANTAR Canthari nomen refert; vas erat portatum facile, vbi plenum esset, ideoque non nimis magnæ, at nobis incertæ mensuræ: cuius mentio fit in Beressith Rabba cap. 6. & Semoth Rabba cap. 31.

Fuit etiam eiusdem aut similis cum superiori vasis usus quod KANKAN veteres dixerunt. Sapè est citatum in lib. Misnaioth, tract. de decima secunda, & in tract. de primitiis cap. 4. parag. 7. & cap. 11. parag. 7. & tract. de Hhalah cap. 2. parag. 1. Et de Ghediuth cap. 5. parag. 2. in Comment.

Inuenimus & in Elucidario Santis Pagnini, Anbag liquidoru mensuræ nomine Latino quartarij redditam.

In Ha-

In Haruch etiam legimus nomen **TENI** mensuræ esse oua **LX.** continentis.

Mensuræ nomen commune est, tertiam partem cuiuslibet mensuræ significans, quod nonnullis certæ mensuræ putatur esse, Psal. 8, 6. Potum dabis in lachrymis, in mensura. Et apud Isaiam, ubi noster Interpres verit: Et colles in statera, Hebraica habent, in Selis.

SELAHHATH mensuræ cuiusdam liquidorum nomen esse auctor Haruch dicit, cuius tamen definitionem non indicat.

THUMAN siue **THAMNEHA** mensuræ genus esse dicitur in Midras Rabba cap. 9. quartarium Latinè quidam dicunt; cuius & in Haruch mentio fit: Aramaeum nomen est.

TARKAB duos cabos continere, ex ipso nominis etymo indicatur. Legitur nomen in Midras Rabba cap. 9. & Psal. 81. in Midras. nomen ex Chaldaeo & Hebreo compositum est.

SARGAS etiam mensuræ nomen est in Haruch, nomen barbarum.

GARBA dolium Latinè verti possit, liquidorum certa mensura lignea portatu non difficilis, qualis apud Italos **BRENTA**; Ezech. cap. 45, 20. Camhius. nomen Aramaeum est.

HABIAHH vas notæ olim mensuræ quo liquida, ad certam mensuram, capi poterant, Misnaioth de votis cap. 8. parag. 7.

In Haruch præterea nomen **BARZINA** legimus, indicata mensuræ, incerta tamen, significatione. Nobis autem Hispani agrorum cultores, & nomē, & rem ipsam ab Harabibus, quorum hæc vox est, accepisse videntur. est autem **BARZINA**, apud Hispanos, fascus ex funibus sparteis in casses retis modo connexus, qui ad fruges, paleas, culmosque transferendos commodus est. Capit autem tantum, quantū vel manipularum vel palearum, vel culmi iumentum dorso portare potest. Interdum una magna iumento transuersa imponitur. Nonnunquam ad deportationis commoditatem, duas breviiores utrumque in onus aptantur.

PAZZKETAR lebetē esse dicunt integri Lethech capacem. Exod. 26, 27. in Thargum. & Midras Rabba cap. 4. Atque hæc de mensuris obscurioribus.

Summa celebrium mensurarum in liquidis ratio.

Ouum gallinaceum.

Log siue Lagena	sex oua continet. diuiditur in partes octo.
Hin	duodecim Login capit. diuiditur in partes sex.
Bath siue Bathus	septuaginta duo Login excipit.
Cor siue Homer.	Corus decem Bathis completur.
Cad siue Cadus	vas fistile, quod humero impositum fœmina portare potest.

EIVSDEM BEN. ARIÆ MONTANI EPHRON SIVE DE SICLO, Volumen tertium.



NTIQVISSIMA omnium, quas diuina scripta commemorant, monetarum **SEKEL** est: quæ & nomine suo præcipuam sibi vendicat commerciorum fidei rationem & consuetudinem. Siquidem nomen trahit à verbo **SAKAL**, quod ponderare Latinè dicere possumus; & **SEKEL** ipsum pondus etiam non inconcinnè interpretari: fuit enim antiquissima & equissima etiam monetæ expensio, in qua nihil fraudis aut detrimenti accipi poterat: quandoquidem sta-

tera certissima defectus & incrementi est indicatrix. Atque ita legimus Genes. 23, 16. Quod cum audisset Abraham, appendit pecuniam, quam Ephron postulauerat, audientibus filiis Heth, quadringentos sicos argenti probatæ monetæ publicæ. Atque hoc modo appensum argentum, tametsi non signatum fuerit neque cuseum, nullam omnino fraudem admittit. Sed an olim cum primùm hoc nummi genus extitit, signatum fuerit, incertum adhuc nobis est; nihilque ad communem commerciorum consuetudinem certam statuendam desiderare posse putamus, si id ignoretur, dum de certo ponderis modo constet. Illud autem scimus, non tantum olim in ipso primo monetæ inuentæ tempore; sed posterioribus etiam longè porrò saeculis, cum numerorum cuforum frequens vbiq. usus esset, argentum etiam & aurum non cuseum in commerciis fuisse receptum, quod vel ex Graeco nomine *δονυα* ab Hebreis etiam usurpatum, manifestè arguitur: de quo legimus in lib. Misnaioth, tract. de decima secunda cap. 1. parag. 2. & tractat. de Ghediuth. 3. parag. 2. Quoniam vero **SIKLVS** non ad monetas alias cognoscendas modò, sed ad ponderum sacrorum explorandas rationes, nobis aditum aperire potest; quod horum omnium ipse primus index & tanquam fator quidam sit; ideo primus omnium ut expendatur postulat: se enim recte cognito, cætera facile percipienda pollicetur.

Fuit autem iam diu & nostro etiam saeculo, à pluribus de Sicli valore & pondere quæsumum; quorum sententias varias nos, non sine negotio diu examinabamus, donec quemadmodum discernere dijudicareque possemus, maximam cōmoditatem adepti sumus: vbi ipsum verum ac certum Israelitarum Siculum, non casu, sed diuino beneficio & consilio, ut credimus, naucti sumus. Accidit enim dum Tridenti publicæ pietatis causa in Concilio essemus, ut inter alios libros, quos mihi euoluendos proposuisset, doctissimum quandam Pentateuci expositorem perlegerem, Mosem Nehemani filium Hebreum Gerundensem, qui ante annos quadringentos (nisi me supputatio fallit) in Catalonia flouruit. Ille autem in Comment. Exod. 39. multis verbis differens significabat, se non facilè ad Salomonis Iarhæi, qui ante illum in Gallia scripserat, sententiam, de Siclo accedere; cum Salomoh affirmasset, Siculum esse dimidiam argenti unciam. Postea tamen absoluto iam in omnem legem Commentariorum opere idem Moses Gerundensis capite ad eam rem propriè addito, Sicli estimationem à Salomone illo indicatam re ipsa doctus ingenuè & aperte, ut viros doctos & veri inueniendi atque docendi cupidos decet, comprobauit. Narrat autem se eo anno, quo illa scriberet, in Palestinam ex Hispania sacrorum locorum visendi causa nauit delatum Acconum, quam nunc Iachan vocant, deuenisse; ibidemque sibi ab incolis ostensus fuisse nummum argenteum antiquissimum, expressis tamen signis & literis conspicuum; in cuius altero latere forma esset vasculi illius, quod Manna plenum in sacra arca ad saeculorum monumentum, Dei iussu & Moysis procuratione fuerat depositum: & in altero ramus ille admirabilis, quem in fasciculum virgularum plurimarum Aaronis nomine illatum (cum illius Sacerdotali dignitati ab æmulis quibusdam obtraretur) postera die populus omnis florétem, amygdalaque explicantem vidit, inscriptions etiam fuisse in eodem nummo Samaritanis characteribus, quæ olim communes totius Israelis literæ fuerant, ante discessiōrem decem tribuum à duabus, lingua plane Hebraica, quarum exemplum ex altera parte erat **SEKEL**

ISRAEL, quod Latinè sonat Siclus Israelis: ex altera verò **IERUSALEM KEDESSAH**, hoc est Ierusalem sancta: qui nummus antiquitatem cum primis magnam probabat, utpote cuseus nomine Israelis, eo tempore, quo omnes duodecim tribus communī concordia Israelis nomen obtinebant; quoque Hierosolyma ipsis

ma ipsis omnibus regia vrbis sanctaque erat; eademque cōmuniis omnibus & religionis & publicē rei & monetā atque literatū ratio; quæ postea discessione facta, alia atque alia vtrique parti fuit. Namque Iudæi, vt omnes ferè scriptores afferunt, ne cuim schismaticis Israeli-tis vlo sacrorum vsu communicarent, eam literarum formam, quæ nunc etiam in vsu est, hoc est quadratam, mutatis valde alterius prioris figuris, adinuenere. Affir-mat præterea idem Gerundensis, nummum illum, qui Siclus inscribebatur, sibi in statera pensum dimidiæ argenti vnciæ pondus reddidisse, ostensam quoque alteram monetam dimidiato pondere minorem, iisdem omnino vasis & rami figuris, quæ tamen non s E K E L sed H H A S Z I S E K E L, hoc est, dimidius siclus dic-eretur. probari itaque sibi vel maximè Salomonis Iarhhæi, de Sicli pondere & valore, sententiam. Eadē verò nocte, qua ipse illius auctoris commentariis per-lectis, ad illam postremam, de Siclo in peregrinatione reperto & agnito, narrationem perueniebam, tredecim aurea antiqua Imperatorum numismata, ad amicum quendam doctissimum, ab Archiepiscopo Lestrigoniæ missa, vt interpretarer, accepi, quod eiusmodi antiqui-tatum studiosus aliquando fuisse dicerer, ea liberali cō-ditione proposita, vt si quæ ex illis optarem, apud me retinerem lubenti animo donata. Præter illa autem tre-decim aurea, vnum etiam erat duplo quam singula ex aureis crassius, maioris etiam formæ, purissimo argento constans; iis denique omnino figuris & characteri-bus cusum, quæ à Mose illo Gerundensi descripta, su-perius breuiter à nobis sunt indicata. Quod vbi vidi-mus, diuinum beneficium manifestissimum interpre-tati, vnum tantum nobis retinuimus, cæteris omnibus domino suo, vna cum explicatione redditis, cui oblati beneficij gratias egimus; non tamen eo tempore nu-mismatis à nobis delecti dignitatem cæteris omnibus in multis aliorum nummorū millibus præferendam si-gnificabamus, quam tandem posteà nostræ optionis ra-tione exposita indicauimus; id autem numisima plu-rimis & doctissimis & antiquarū rerum studiosissimis viris ostédimus: idque adhuc ceu pretiosissimū & ami-ci munus, & certissimum veritatis antiquæ testem ma-gni thesauri loco seruamus; cuius vnius cognitio om-nem nobis in ponderum & monetarū ratione consoli-danda veri disquirendi laborem ademit. Namque ad stateram examinatum quatuor integras argenti drachmas, hoc est, dimidiā vnciam reddit, non vulgaris vnciæ dimidium, sed eius, cuius pharmacopœis, in me-dica materia expendenda, vsus est: quam semunciam Atticam antiqui dixerat; atq. ita verissimum esse com-probatur, quod Iosephus in libro antiquitatum docet, Siculum Atticè tetradrachmi pondus fuisse. Est igitur huius nummi pondus quantus ferè quatuor Hispanorum regalium nummorum, aut quatuor Iuliorum Romanorum ferè, aut Venetorum Mocenigorū duorum, aut Flandrici nummi, qui quatuordecim stuferis, quos vocant, permutatur. Denique hoc no-bis antiquissimæ semūciæ, & ad nostra usque tempora durantis exemplū est. Appellabatur autem Siclus sanctus, vel sanctuarij Siclus, idem ille, qui in hoc numis-mate dicitur Siclus Israel: namque Israel sanctificatio Domini factus est, & potestas eius, ex quo ex Ægypto redemptus in populi rei que publicæ nomē est redactus.

Porrò Sicli illius sancti viginti granorum pondus esse ab ipso legislatore Mose definitur, Exod. 30, 13. Si-clus, inquit, viginti obolos habet: & Ezech. 45, 12. eo-dem modo ait: Siclus viginti obolos habet. quod noster Interpres vertit obolos, Hebraica lingua dicitur G E R A H, quod nomē ab A G A R verbo, quod cōgregare si-gnificat, deductū volunt Grammatici: alii à G E R A R, quod est miscere deducunt, quod multæ simul eiusmo-di argenti portiunculæ inter se mixtæ, exigua sp̄ciam singulæ nec satis notabilem præberent. Fuit autem illud portiuncula eiusdem ferè ponderis

cum siliquæ communis semine; id quod nos, periculo facto, deprehendimus, granis siliquæ viginti in altera statu lance, & siclo nostro in altera app̄sis, ferè enim pondus utrumque conuenit. Atque ita apud quosdam ex Hebræis doctos legimus, illa quæ vocatur G E R A H grana esse H H A R V B; quod verò illis H H A R V B Arabibus A L H A R O B, Hispanis A L G A R R O V A, & Latinis dicitur siliqua. Itaque G E R A H vigesima sicli pars est, quam Chaldæi paraphrastæ perpetuò M E G H A exponunt, hoc est minutum argentum, eiusdem ferè ponderis cum minuta Turcarum mone-ta ex argento, quæ vulgo G H A Z P A R siue A S P R O dicitur. ex Chaldaico nomine M E G H A vocabulum Meaja Hispanicum factum arbitramur, quod minuti argentei nummi olim apud nos genus fuit. Atque il-lud nomē quod medicis in vsu est Cheratum dictum, ab illo Hebraico G E R A H factum arbitramur; nam medici ab Arabibus acceperunt C H E R A T H: Arabes verò ab Hebræis vocis vicinitate G in C conuersa. Iam verò quibus in locis præcipue Sicli mentio fiat, ostendamus. Abraham ab Ephron Hethæo agrum se-pulchri causa emit quadringentis siclis argenti, hoc est vnciis ducentis, drachmis mille & sexcentis. Gen. 23, 15. Argenti triginta siclis præscripta mulcta est Domino, cuius bos, seruum alterius occiderit, Exod. 21, 32. Siclis etiam redimebatur mulcta præuaricationis & damni dati in sacris rebus; Siclis inquam sanctis, ad arbitrium Sacerdotis numerandis, quanquam in Latina interpre-tatione legimus duobus siclis. Leuit. 5, 15. Siclis sanctis quinquaginta æstimabatur redemptio voti perso-nalis in viris: triginta verò in fœminis à vigesimo anno usque ad sexagesimum. A quinto autem anno usque ad vigesimum maris æstimatione viginti siclorum erat, fœminæ decem. Ab uno mense usque ad annum quin-tum, pro masculo dabuntur sicli quinque, pro fœmina tres. Sexagenarius & vlt̄rā dabat quindecim siclos, fœmina verò decem. Ager triginta Homer hordeorum capax æstimatus est ad voti redemptionem quinqua-ginta siclis argenteis. Denique omnis sacra æstimatione siclis sanctis fiebat, sicut scriptum est: Omnis æstima-tio tua siclo sanctuarij pōderabitur. Siclus viginti obo-los habet, Leuit. 27, 3. usque ad 25.

Pro singulis capitibus, quibus primogeniti Israel Leuitarum numerum superabant, iussi sunt exsoluere, quinos siclos sanctos vicenorū Gerah siue obolorum. Num. 7, 47. Singula acceptabula argentea à tribubus Israelis oblata centenos & tricenos siclos, hoc est vncias quinas & sexagenas ponderabant. Phialæ verò singulæ septuagenos siclos, id est vncias argenti tricenas & quīnas continebat. Num. 7, 12. & deinceps. Atque ita om-nium siclorum summa, bis mille, & quadringenti erant in siclo sancto, mille inquam, & ducentæ vnciæ. Primo-genitorum summa redemptio erant quini sicli in siclo sancto vicenorū Gerah, qui tamen pro Sacerdotis arbitrio, pauciores esse poterant, ex offerentium facul-tate æstimata. Num. 18, 16.

Ducentos argenti siclos sacrificio à se subreptos Ghacam confessus est, Iosuæ 7, 21. Dauid ab Arauna Iebusæ aream altari ædificando oportunam cum bo-bus argento siclorum quinquaginta emit. 2. Sam. 24, 24. Elisaus prædixit satum similæ, postero die emendum siclo, & duo Satha hordeorum tantidem. 2. Reg. 7, 1. Menahhem muneris Assyrio regi dandi causa popu-lo Israelitico quinquagenos siclos viritim imperavit. 2. Reg. 15, 20. Nehemias refert panem, vinum & quadragenos, per singulos dies, siclos fuisse populo à prin-cipibus exactos. Nehem. 5, 14. Septem & decem siclis Ieremias agellum in Hanathoth ab Hanamel cognato emit; quod Latinus Interpres vertit septem stateres, & decem argenteos; Hebraicè ad verbum est, septem sicli & decem argentei. Hoc etiam modo æstimamus Ægyptiam quadrigam sexcentis argenteis constituisse non siclis, sed drachmis, hoc est, quarta sicli parte; nam bb argen-

argenti nomine drachmam 'non raro intelligimus'; Siculum vero, ubi intelligi oporteat, ipsum nomen appositum indicat.

Sicli va-
riatio.

Atque sicli pondus hoc fuit praecepsum frequenterque in sacris libris indicatum: quod si aliquando in profanis visibus maioris ponderis deprehendatur Siclus, id non ex lege, sed ex hominum quorundam principium & diuitum cupiditate ortum existimare oportet, qui duris & difficilibus temporibus, ut pauperiores citius exspoliarent, siculum augebant, accepturi ab iis, quibus frumentum venderent, eiusmodi pecuniam exsoluere coactis, alias ipsi talibus siclis communiter in soluedo, si quid emerent, non usuri. Cuiusmodi nefaria fraus ab Amos vate aperte reprehendete improbat. Audite hoc, qui conteritis pauperem & deficere facitis egenos terrae dicentes, Quando transibit mensis; & venundabimus merces; Sabbathum, & aperiemus frumentum ut imminuamus mensuram, & augeamus siculum, & supponamus stateras dolosas. At vero huiusmodi illegitimi orum siclorum, si quis certam rationem querat, nullam plane sibi constantem reperiet, quanquam sunt, qui inter sanctuarij & prophanicum & regium siclos, nescio an tam certe, quam curiosè distinguant.

Atque nummum illum argenteum, quem Siculum vocamus, primæ domus monetam celeberrimam & Israelitis propriam fuisse, docent antiqui auctores, in lib. Misnaioth de Chelaim, cap. 2. parag. 7. In eodem etiam libro describitur Siclus ille, qui literis Samaritanis inuenitur tract. de Iadaim. cap. 4. n.

DE SICLI PARTIBVS.

Præter Sicli numerum integrum tetradrachmon, quod iam descripsimus, alias etiam monetas fuisse ex Sicli ipsius divisione nomen sortitas (siue signata illæ, siue signo carentes fuerint, nihil refert) in sacris libris obseruauimus: Namque dimidij Sicli mentio fit Exod. 30, 13. & 15. Hoc autem dabit omnis, qui transit ad numerum, dimidiū Sicli, iuxta mensuram templi. Siclus viginti obolos habet, media pars Sicli offeretur Domino. diues non addet ad dimidium Sicli, & pauper non diminet. Huius ponderis monetam vñā cum Siclo ipso sibi visam in Ghaco urbe, iisdem cum Siclo imaginibus signatam, Gerundensis affirmat.

Dimidius
Siclus.

Triens.

Quadrans.

Fuit etiam tertia Sicli pars, quæ sex Gherah cum dimidio & sexto vnius Gherah ponderaret, ut ex libro Nehemias cognouimus, ubi scribitur, decernēdum esse tributum, in singulos annos soluendum, tertia partis Sicli ad domum Domini, Nehem. 10, 32.

Quartæ etiam partis Sicli moneta fuit in vsu, hoc est drachma integra, quatus noster regalis dictus numerus est. Sic enim scriptum legimus in lib. 1. Samuelis, cap. 9, 8. Rursum puer respondit Sauli, & ait: Ecce inuenta est in manu mea quarta pars stateris argenti: demus homini Dei; Hebraice est Sicli argenti.

Porrò, siue auro siue argento, siue etiam ære pecunia exsolueretur, omnis ratio ad Sicli valorem referebatur, ut viginti Sicli in auro, tantum auri esset, quantum viginti Sicli in argento valerent. Constat autem ex drachmis & didrachmis antiquis duplex ferè esse auri pondus ad argentum; nam quæ denarij valore apud nos extat numismata argentea, singula drachmam ponderant. Eiusdem vero magnitudinis aurea, quæ nobis sunt satis multa expensa, binarum drachmarum pôdus habent. Valor autem auri cum argenti valore collatus, non semper idem est, sed pro principium arbitrio & temporum vsu mutatur frequenter. Tamen ut ex multis temporum exemplis obseruauimus, auri valor super argentum, nunquam ferè minor fuit, quam decuplus; ita ut pro singulis auri drachmis, argenti, ad minimum, denæ sint reddendæ.

Stater.

Iam nunc facile ex his cognosci potest, staterem Græcorum, qui æqualis cum Siclo ponderis est; & didrachmon cum semisiclo, & drachmam cum quarta Sicli par-

te, ex Hebræorum nummorum & ponderum imitatione fuisse accepta.

DE SICLO PONDERE.

Non modò nummorum & monetarum, sed ponderum etiam primum exemplum Siculum statuimus. Etenim cum de pretio rei alicuius exsoluendo agitur, quæcunque materia nummi constent, dummodò Sicli mentio fiat, ad argentei Sicli valorem ratio referenda est, ut paulo superius adnotauimus. Cum vero de pondere mentio fit, ipsum Sicli pondus, hoc est tetradrachmon siue semuncia, repetendum. Aliâs multa absurdâ, si res aliter æstimata fuerit, consequentur. Neque enim putamus auream monetam aliquam fuisse, quæ Sicli diceretur, neque æream etiam; quanquam non inficias ibimus, fuisse aureas & æreas monetas, verum aliis nominibus dictatas; ut de nonnullis postea explicabimus. Quosdam etiam aureos nummos vicinum siclorum, quosdam vicinum quinorum, alios quindenorum in vsu fuisse, que Minæ partes dicerentur, ut exponit Camhius in Ezechiel. 45, 12. sed certum auri vel æris Sicli eodem nomine dictum, non facilè in antiquorum libris agnoscamus: sed cum de Siclo auri aut argenti Scripturæ meminerint, pondus ipsum, non valorem esse æstimandū arbitramur; cuius rei exæpla aliquot satis aperta subiicimus in lib. Num. 7, 87. Cochlearium aureorum pondus fuisse denum Siclorum in singula cochlearia, que noster Interpres mortariola vertit. Quo loco non de valore auri, sed de pondere omni ex Sicli ratione cognoscendum indicatur. Nam si (ut quidam volunt) Siclus auri esset, & tantum valeret Siclus aureus, quantum argenteus, hoc est minus auri pondus, quantum videlicet Sicli valorē æquaret; Siclus aureus valeret quatuor drachmas argenteas, & ponderaret ad summum duo Gerah, hoc est grana siliquæ duo. Totum igitur cochlear effet viginti granorum argenti, hoc est ponderis quatuor drachmarum.

Quantum autem poterat esse cochlear huius materiæ, quatumue thuris caperet eiusmodi cochlear, cum scriptum sit, & mortariolum aureum appendens decem Siclos plenum incensi, quatuor vel etiam duo thuris grana cochlearis dimidiæ vinciæ acceptabulum implere abunde possent. Quam ob rem singulorū cochlearium materiam auream denos Siclos, hoc est quinas vncias ponderasse interpretamur. Ex quinis autem auri vnciis vix satis commoda cochlearia fieri possunt: quandoquidem non magna sunt, quæ nobis in vsu sunt argentea cochlearia, binarum vnciarum cum dimidia, quantum argenteæ materiæ cum quinque auri vnciis collatum, conuenit. Atque ita apertis verbis Scriptura ipsa significat, non de valore cochlearium, sed de pondere auri, illo in loco agi, sic enim ex verbo legimus, in descriptione singulorū cochlearium: Et cochleare aureū appendens decem Siclos. & in fine capit is, cum summa omnium subducitur. Cochlearia aurea duodecim plena thure, id est simul auri Sicli centum viginti pondere sanctuarij. ut praecedenti versu est annotatum in eodem cap. Illud etiam summum auri pondus, quod ex diuersis munierum speciebus collatum est, ad sedecim milia septingentos & quinquaginta Siclos; sic est intelligendum de pondere, non de valore auri; nam aliâs si valor auri tantum in illo loco indicaretur; non satis magna præda esset, mille sexcenti & septuaginta quinque Sicli, ex numero pugnatorum, quos tribuni & Centuriones habuerant, sub manu sua, nullo excepto, à quibus recepta fuerant mortalia omnia aurea, hoc est, periscelides, armillæ, annuli, dextralia, murenlæ, ex tanto fœminarum & virorum numero capta, in quo inuentæ sunt virgines triginta duo mille. Locus est in lib. Num. 31, 5. Illam etiam laminam auream, quam Ghacham sibi ex anathemate subreptam confessus est, quinquaginta Siclorum ponderis, non æstimationis rationibus interpretamur. Nam si æstimatione Siclorum argenti exponamus, vix laminâ inueniemus dici posse, quæ quin-

quæ quinque Siclis, hoc est duabus vnciis cum dimidia æqualis pondere sit; satis enim parua auri portio duas vncias cum dimidia ponderat. Et illæ inaures Gedeoni ex spoliis Ismaelitarum oblatæ, ad hanc rationem sunt referendæ; vt omnium simul iunctarum pondus fuerit mille & septingenti sicli, hoc est, vnciæ octingentæ & quinquaginta auri, quæ summa est ferè sex mille octingentorum aureorum communium, quos nostro tempore coronatos vocant. Iud. 8, 25. Aurum etiam quo candelabra facta sunt, in pondere expensum scribitur. 1. Paral. 28, 15. Atque hoc modo siclorum, hoc est, semunciarum ratione omnia auri & argenti pondera exponenda videntur, nisi aliter expresse indicatum fuerit. Eodem quoque modo quinquagenum siclorum fuisse intelligimus, vncinos ex auro ad valvas tæpli continendas factos. Neque enim minores ferre pondus valuarum vertendarum possent. locus est 2. Paral. 3, 10.

Illa porrò, quæ de ferri, chalybis & æris ponderibus aliquando in scripturis leguntur sacris, vbi siclorum nomine significantur; ad hanc etiam rationem sunt à nobis omnino referenda. Quanquam sunt, qui dicat singula metalla, suos certos habuisse, quibus expenderentur, siclos. Nullum tamen exemplum hactenus obseruauimus, cuius argumento in hanc sententiam concederemus. Quod verò à Salomonē Iarchio in Comment. 1. Samuel. 17, 7. scriptum est, qua ratione nobis probari possit, non planè constat; dum ille absolute pronuntiat omnes siclos, qui apud prophetas referuntur, minarum ponderibus exponendos esse, deceptus fortassis illa re quod ferrum hastæ Goliath sexcentorum siclorum ponderis in sacra historia descriptum, non satis magnum putauerit tam vasti corporis bellatori viro, cum tamen nobis nimis etiam magnum videatur ferrum hastæ trecentarum vnciarum; si modò ad lancearum usum, hoc est, cōfodiendum & transfigendum habile, comparatum sit, nimirum viginti & quinque librarum: quæ additæ hastæ ad instar liciatoriæ textorum crassæ lanceam efficient, nulli nunc usu hâbilem. Nendum si, vt ille docet, trecentas minas ferro adscriberemus. Illud præterea quis non modò homo, quantumuis procerus gigas, sed vel elephas portare posset loricæ pondus, quod eodem loco significatur fuisse quinque mille siclorum, si pro siclis minas exponere deberemus? Namque sicli quinque mille, iuxta ponderis à nobis explicati rationem, bis mille & quingentas vncias efficiunt, hoc est, libras ducentas & octo, atque vncias quatuor: quod quantum thoracis pondus sit, nemo est, qui non satis intelligat. Igitur nostra siclorum ratio & satis clara, & omni ex parte communis, cuilibetque materiæ eadem est. Neque verò à proposita re alienum videbitur, vt locorum duorum in sacris libris sententias, quæ pugnare inter se videntur, explicatione adhibita conciliemus: quandoquidem ea non exiguum negotium quibusdam fecisse videmus, adeò vt illa difficultatis euadendæ via fuerit visa commodissima, si quedam siclorum excogitaretur varietas. Est autem, vt quibusdam videtur, locorum pugnantia illa primo Samuelis lib. cap. 24. Dicitur Dauid emissæ aream, & boues ab Arauna Iebusæo siclis quinquaginta. & 1. Paral. 21. cum de eadem re mentione fiat, sexcentis siclis auri iustissimi emissæ dicitur. Ergo necesse est quinquaginta siclos illos apud Samuelē conscriptos magnos fuisse, qui sexcentos facerent minores; qua tamen nouos siclos cùdendi molestia facile carere possumus, & eodem omnino monetæ genere utriusque loci exsoluendæ rationi satisfacere, si rem ipsam, quam Dauid est mercatus, omnē dimetiamur. Est autem illorum locorum summa explicatio eiusmodi: Dauid primū de publica salute sollicitus, locum areæ, ad diuinam indignationem hostiis cæsis placandam sibi optatum, ab Araunaque volente oblatum, vna cum bobus ipsis emit quinquaginta siclis. Viginti enim, aut ad summum viginti quinque æstimari potuit

Explicatio
duorum lo-
corum dif-
ficilium.

situs areae, in qua Arauna vnum tantum par boum tri-tura exercebat; qui locus aræ ad præsentem sacrificiorum procurationem construendæ satis erat. totidem etiam siclis par boum ad sacrificium est æstimatum. Quam rem, vbi Dauid Deo probari cognosceret, impetrata misericordia & clementia, ex sacrificio facto iam edoctus, totum locum illum, ad Araunam pertinenter, hoc est, totum montem Moriah, ad decreti templi ædificationem, sibi comparandum duxit; eumque sexcentorum siclorum pretio, aurum appendens, emit; atque templo ædificando destinauit. Itaque historia lib. 2. Samuelis, quod de peste immissa per sacrificiorum procurationem celerè auertenda ageret, areæ tantum, in qua ara constructa est, & boum, qui uestigio ad victimam parandam commode reperti sunt, precium diligenter à Dauid solutum indicat. Paralipomenon verò historia, quæ de templi per Salomonē ex paterno testamento ac pecunia ædificandi rationibus, in vniuersum agit, non areæ ad aram opportunæ tantum, sed totius loci precium significat. Id quod ipsorum verborum obseruata ratione, aperte explicari potest. Nam prior locus sic habet: Quid causæ est ut veniat dominus meus rex ad seruum suum? cui ait Dauid, Vt emam à te aream, & ædificem altare Domino, & cesset interfectio quæ grassatur in populo. Cui cum gratis obtulisset Arauna aream, & boues, & iuga: respondit, Nequaquam, sed emam precio à te, & non offeram Domino Deo meo holocausta gratuita. Emit ergo Dauid aream & boues argenti siclis quinquaginta; & ædificauit Dauid altare Domino, & obtulit holocausta & pacifica, & propitiatus est Dominus terræ, & cohibita est plaga ab Israel. sic in li. Samuelis. In lib. autem Paralip. non de area solùm, sed de loco areæ & de ara in area constructa, de quæ periculo facto diuinæ probationis, & de consilio inito ædificandi templi, & apparato opere ac penè cœpto, mentio fit, ita ut manifestè intelligatur maiorem rationem illic haberi templi ædificandi, quæ altaris ad præsentis calamitatis deprecationem positi. Sic enim legimus: Dixit Dauid ad Araunan, Da mihi locum areæ tuæ, vt ædificem in ea altare Domino, ita ut quantum valet, accipias, & cesset plaga à populo. & paulò post, Dedit ergo Dauid Araunæ, pro loco siclos auri iustissimi ponderis sexcentos. pro loco, inquit: & vt Hebraica ad verbum habent: Et dedit Dauid Ornán pro loco siclos auri, in pondere sexcentorum, hoc est, aurum in pondere sexcentorum siclorum. Illud etiam de toto loco, de toto, inquam, monte, hæc exponenda esse confirmat quod in 2. lib. Paralip. cap. 3. scriptum est. Et cœpit Salomon ædificare domum Domini in Ierusalem, in monte Moriah, qui demostatus fuerat Dauid patri eius, in loco, quem parauerat Dauid in area Ornán Iebusæi. hic nomen loci illi alteri respondet, quod in superiori libro bis indicatum est. illum autem locum parauerat Dauid, cum esset in area Ornán Iebusæi sacrificans, & euentu ipso cognosceret, Deo locum placere, sicut illic scriptum est. Protinus ergo Dauid videns, quod exaudisset eum Dominus in area Ornán Iebusæi, immolauit ibi victimas. Et paulò post, dixit Dauid, Hæc est domus Dei, & hoc altare in holocaustum Israel: distinxit videlicet inter domum & altare. Et præcepit ut congregarentur omnes proselyti de terra Israel, & constituit ex iis lapidas ad cædendos lapides, & poliendos, ut adificaretur domus Dei, &c.

Hanc nostram expositionem præterquam quod lectio ipsa indicat aperte, non obscuris verbis Camhius indicat, atque ex antiquorum doctorum sententia comprobatur, in 1. lib. Samuel. 24, 24. Atque hactenus de Siclo, quæ satis videbantur, sunt nobis exposita.

Z Z E L A G H יְהֹוָה

Antiquissimi & certissimi Israelitarum nummi siclus & sicli partes sunt, cæteri omnes, ex aliatur gentium
bb 2 commer-

commercio cū nominibus etiam inuesti videntur, namque nomina ipsa aliam linguam produnt, & ponderum ratio varia alias institutiones sui arguit. Quam ob rem in libris Misnaioth tract. de Beruroth. cap. 8. parag. 1. in hanc sententiam legimus: Omnis moneta, in sacris, & extra præter siclos, ad pondus Tyri refertur, & argento aut argenti valore exsoluitur.

Prima autem cæterarum monetarū, quæ ad Siculum referri potest, dicta fuit ZZELAGH, quod nomen Latinè petram vel saxum sonat: cuius signa quæ fuerint, non memini me vsquam legere; estimationem verò legimus fuisse duorum siclorum; namque in lib. Misn. tract. de votis, ca. 43. parag. 8. scribitur, siclum esse dimidium ZZELAGH. & in tractatu de Sebughoth, cap. 6. par. 1. dicitur; ZZELAGH est duplex SEKELE. Idem dicitur valere quatuor denarios, hoc est quatuor didrachmas; namque hac estimatione denarium accipendum esse, res ipsa nos docet, Misnaioth de angulo, cap. 8. par. 2. & de decima secunda, cap. 2. parag. 1. & parag. 2. in cuius loci Commentariis dicitur valere duos siclos: & tract. de CHICHAR ca. 8. par. 1. & de GHERVBIM cap. 5. par. 2. in Comm. Atque hæc ratio est vsitissimæ ZZELAGH, hoc est Tyrii, quod vniæ integræ argenti pondus habebat. Fuisse autem nec perpetuam, nec vbiue constantem hanc ZZELAGH rationem ex variâ etiam lectione docemur. Namque in primis paraphras Chaldaei, quæ siclum Hebraicè vocamus, ZZELAGH reddidere, vt Gen. 23. Exod. 31. & 8. in Thargum. Et in Haruch idem traditur. Et Helias Leutes in Thesbith scribit ZZELAGH, siclum esse argenteum quatuorquæ valere ZZVZIM. de qua moneta inferius dicemus. Et in lib. Misnaioth, tract. de primitiis cap. 10. parag. 1. & 2. legimus quinque ZZELAGHIM in Galilæa pondus esse decem ZZVZIM in Iudæa: fit etiam mentio de ZZELAGH Neronith, hoc est de ZZELAGH Neronico à Nerone cuso, Misnaioth de Ahaloth, cap. 13. parag. 8. & tract. de Chelaim, cap. 17. parag. 2. Inuenimus & factam mentionem ZZELAGH ærei in lib. Misnaioth, de decima secunda cap. 2. parag. 2.

M E G H A . נַיְבָה

MEGHA moneta argenteæ nomen satis vulgare fuit; quanquam in sacris libris nusquam quod sciamus usurpatum. Eius autem pôdus sedecim granorum hordei erat, vt definitum legimus in lib. Misn. tractat. de angulo, cap. 8. parag. 2. & 1. & tract. de Sebighith, cap. 1. parag. 2. in Comm. & in tract. de HHAGIHA, cap. 2. parag. 2. & de Ghediuth, ca. 5. parag. 1. dicuntur duo MEGHOTH grana facere hordei triginta duo communia: & ibid. cap. 1. parag. 1.

Nec verò eandem apud omnes aut semper estimationē idemq. pondus MEGHA fuisse legimus, sed variū omnino. Nam quanquam frequentissima MEGHA sedecim grana hordei ponderasse dicatur; aliæ etiam eodē nomine fuerunt varij ponderis. Inuenimus enim aliquando idem quod GERAH, quam vigesimam scili partem diximus, à quibusdā estimari, vt à Camhio 1. Samuel 2. vers. ultimo. Et ferè semper Chaldaeus pro Hebraico GERAH reddit MEGHAH. Et legimus esse in ZZELAGH MEGHOTH sedecim: ex alio autem genere viginti in Misnaioth de decima secunda, cap. 2. parag. 2. & in tract. de Ghediuth, cap. 1. par. 1. legimus MEGHAH esse vnā ex partibus viginti quatuor ZZELAGH. In eodem autem loco scribitur Meghah continere sedecim granorum hordei pondus. Possemus autem dicere varietatem esse in ZZELAGH magis quām in MEGHAH ipsa, vt superius docuimus, nisi in libris Misnaioth, tract. de decima secunda, cap. 4. parag. 21. legeremus Meghah pondere decem granorum hordei communis; nisi mendoza eo in loco sit codex, & pro r̄ legatur.

Appellatur igitur idem moneta pondus aliâs MEGHAH, alias AGVR, vt docet Camhius lib. 1. Samuel.

cap. 2. vers. ultimo in Commentariis, atque etiam GERAH, sed huius perpetua, vt diximus, & constans ratio est, nempe vigesima scili pars.

K E S C I T A H . קִסְתָּה

Kescitah nomen ter, in sacris libris, reperitur. Gen. 33. 19. dicitur Jacob emisse partem agti, in qua fixerat tentoria, à filiis Hemor centum KESCHTAH. & eiusdem loci ac pretij mentio fit apud Ios. 24, 32. & Job à singulis cognatis & amicis singulas KESCHTAH accepte memoratur. quanquam autem oves aut agnas noster Interpres vertit, & quidā pecudes ipsas fuisse putant, ratio tamen ipsa & doctorū sententia docet nummorum genus fuisse, cui fortassis agnæ signum impressum erat, vnde & nomen accepisse potuit, sicut a pecude Latini pecuniâ dicunt. Illi verò, qui in monetarū genere hanc partem ponunt, non pluris quām MEGHA estimant. videtur autem nomen Arabicum esse, vt inter antiquissimos doctores nomine Ghakibæ scriptū legitur in hanc sententiam: Cūm in Arabia venissem, audiui, id quod nos MEGHAH dicimus, KESCITAH ab illa gēte vocari. Noster Interpres, si modò ouem aut agnam pro pecude ipsa dixit, secutus videtur Onkelosum Paraphrasten, qui in eadem significatione Chaldaicè interpretatus est HHORPHAN.

Z V Z A . צְבָזָה

Quandoquidem non rara in his nostris Commentariis, & frequens in veterum libris méto fit ZVZIM; operæ pretium facturi videmur, si de eo etiam genere, ea quæ magis probari possunt, dicamus: Atque nōm ipsum nobis nihil suppetiarum ad explicandum assert; quippe Chaldaicum, & nihil cum thematis Hebræi significatione commune, vt arbitramur, habeñs. fuisse autem argenteam monetam auctor est Helias in Thesbith radice צְבָזָה, & in radice מְצָבָה, eumque quartam partem scili esse dicit. idemq. Camhius affirmat. Aperte autē hanc rem indicat Chaldaeus paraphrastes, qui 1. Samuelis lib. cap. 9. pro quarta scili parte ZVZIM reddit: Camhius etiam in Ezechiel 45, 12. pondus drachmæ ait esse ZVZIM; in lib. autem Misnaioth tract. de angulo cap. 8. parag. 2. definitur, victus annuus honestus homini pauperi ducentūm ZVZIM; quæ qui habeat, mendicare non possit, aliâs excommunicationis pœnam ipso iure subitur. Et in tractatu de primitiis, cap. 10. parag. 2. legimus decem ZVZIM ponderis Iudæi facere quinque ZZELAGHIM Galilæos in ponde, vnde ZZELAGH Galilæum didrachmum fuisse argumentamur. præterea tract. de Nezichim, cap. 4. parag. 8. quinquaginta & quinque ZVZIM facere diuidium MENAH.

D E M I N A H . מִנָּה

Minarum etsi antiquum fuisse nomen, & usum acceperimus, rationem tamen variam pro temporum & locorum oportunitatibus adnotauimus. Antiquitatem quidem omnino cōcedunt auctores, in lib. Misnaioth, tract. de Sebighith, cap. 1. parag. 2. in Comment. assentes Mosis tempore minarum usum fuisse. Sunt qui inter sacram & vulgarem distinguant, sacramque vulgari duplo maiorem constituant, vt Camhius in Ezech. 45, 12. Est autem dicta MINAH vel MENAH vel MANEH (his enim modis pronuntiatur) à numerando, quod numeris certis conficeretur, non solùm pondere, quanquam & pondus certum habuerit, atque in aurificum usu ponderis magis quām numeri habebatur ratio. Idque ex eo probatur, quod scriptum est, Salomonem fecisse trecentas peltas ex auro probato, trecentasque auri minas vnā peltam vestiisse. 1. Reg. 10, 17. Dicta ergo videtur mina ex eo, quod certum numerum numerum continens, facilem ad numerandum rationem statueret, in magna summa. Quanta autem fuerit minarum estimatione, productis ex antiqua lectione definitionibus, docebimus. In lib. Misnaioth tract. de angu-

de angulo, cap. 8. parag. 7. & 1. legimus minæ pondus denariorum centum fuisse, & denarios singulos sex MEGHOTH continere, & singula Meghōth sedecim granorū hordei communis pōdus habere Idem etiam scribitur in tract. de Sebighith cap. 1. parag. 2. & tract. de decima secunda, cap. 4. par. 2. & tract. ca. 1. par. 7. 1. 2. & ca. 5. par. 8. dicitur valere centum z v z i m, & tractatu de Nezichim cap. 4. parag. 8. atque in tractatu de Chethuboth, modò citato dicitur, Arras vxoribus, quæ viduæ vel aliâs non virgines ducuntur, minæ valore taxari: Virginum verò arras ducentorum esse, videlicet z v z i m, hoc est duas minas. De aestimatione quoque minæ eodem modo, quo diximus, agitur in lib. Misnaioth, tractatu de Haggah, cap. 1. parag. 2. & de Ghediuth cap. 3. parag. 1. Comment.

Atque hoc pondere expensum fuisse, non solum argentum, sed aurum etiam, ex sacris libris docemur. Namque illæ peltae Salomonis tricens minis auri munītæ sunt. Et Esdras narrat à ciuib⁹ ad templi opus fuisse oblatas argēti minas quinques mille. Esdræ cap. 2. vers. 69. Et à principib⁹ familiarum argenti minas bis mille in thesaurū datus, legimus apud Nehemiam 7, 71. Fuisse etiam minam aream, legimus in lib. Misnaioth, de decima secunda, ca. 2. parag. 1. Verùm apud Ezechielem magnæ cuiusdam minæ descriptionem reperimus, illis verbis: Viginti Gerah siclum faciunt: Porrò viginti sicli, & viginti quinque sicli, & quindecim sicli minam faciunt. ex quo colligitur, minam illam sexaginta siclis constitisse, hoc est drachmis ducētis & quadraginta. Illā verò diuisam fuisse in partes, quartam quæ quindecim siclos continebat, & tertiam, quæ viginti, & tertiam cū duodecima portione quæ viginti quinque siclis expenderetur. Ex harum autem partib⁹ collatione & oppositione variæ proportiones in addendo & detrahendo pondere vel pretio confici poterant. Nam si viginti quinque ex altera stateræ parte quindecim opponantur, efficietur in altera sexta pars minæ, hoc est decem. Si opponantur viginti, efficietur duodecima pars minæ, videlicet quinque; si viginti quindecim opponamus, idem fiet. Rursus etiam in collationibus, hoc modo fit; Additis viginti quinque quindecim emergunt quadraginta, hoc est duæ tertiae ex mina; coniunctis verò viginti & viginti quinque, fiunt duæ tertiae & duodecima. Deinde viginti & quindecim efficiunt medium cum duodecima; quindecim verò repetita efficiunt medium minam; viginti quinque repetita medium cum sexta efficiunt. Atque hanc ab Ezechiele descriptam cum partibus suis, minam vulgarem fuisse, Camhius docet Ezech. cap. 45, 12. hanc verò duplam sacram appellari minam, ait. Idem etiam agnoscit antiquorum traditionem, qui dicunt minam communem fuisse viginti quinque siclorum, hoc est centum z v z i m. Quod si illorum auctorum perpetua ratio est, Ezechieli locum interpretari hoc modo rectè possumus: Siclus erit obolorum viginti; mina erit viginti sicli, hoc est drachmæ centum & viginti, & quindecim pertinebunt ad minam: nam viginti erunt quatuor quintæ, & quindecim erunt tres quintæ partes ex mina vel media cum decima parte; atque ita compositis rationibus, vt superius docuimus, poterit partitio usque ad decimas procurrere.

Fuit etiam pondus dimidium minæ, hoc est quinq̄a drachmarum pondere, quod PEREZ vocabatur, Misnaioth de angulo, cap. 8. parag. 7. & tract. de Gharubim cap. 1. parag. 2. Comment.

Chaldæus nonnunquam pro mina vertit suo idiomate L I T R A. sic enim scriptum reliquit 1. Samuelis. lib. facit L I T R A vna aureos cētum Hebraicis. Idem 1. Reg. 1, 17. & in Ierem. 3, 9.

Nonnunquam Chaldæi expositores nomen SEKEL, id est Siclum interpretantur minam, vt Esd. 2, 69. & Nehem. 7, 70. Et idem annotat Camhius 2. Paralip. 9, 16. Refertur quoque ratio hæc in Misnaioth tract.

de Nezichim cap. 4. parag. 8. Atque hactenus de antiquioribus nummis & monetis: Iam verò deinceps de alio nummorum vel minus antiquo, vel minus constanti genere breuiter differemus.

ARGENTVM. אֲגַנְתָּם

ARGENTI nomen nulla certa definitione positum pecuniam, vt apud Græcos olim, & apud Gallos hodie significat; unde fit vt incertæ notationis sit, nisi numeralem aliquā adiunctam rationem habeat, vt tres vel quatuor, &c. Gen. 23, 9. vbi Latinè legimus, Pecunia digna tradat eam mihi coram vobis; Hebraicè est, argento completo. Et paulò inferiùs, Dabo, inquit, pecuniam pro agro; Hebraicè dicitur, dabo argentum. Et appendit pecuniam, quam Ephron postulabat; appendit argentum. Et eodem libro cap. 43. vers. 22. Latinè legimus: Sed & aliud attulimus argentum, vt emamus quæ nobis necessaria sunt: Verum enim uero, cū argento certus numerus adnotatur, varia etiam adhibetur aestimatio. Nam quæ 2. Samuelis 18, II. sciptum est, Et dedissem tibi decem argenteos: quo loco Interpres Latinus Chaldæum paraphrasten secutus exposuit siclos. Et Camhius lib. Reg. 2. cap. 12. vers. 4. & 5. nomen argenti ita interpretatur, vt tres argenteos dimidium sicli faciat. Idem affirmat Comment. in Ierem. 32, 9. Sed communis & vulgata magis argenti ratio illa est, quam antiqui auctores in lib. Misnaioth describunt. ab illis enim traditum accepimus eam monetam, quæ argentum vocatur, quæque certum numerū admittit, tempore Mosis pōdus habuisse trecentorū & viginti granorum hordei. In templi vero secundi tempore, auctam fuisse usque ad pondus trecentorum & octoginta quatuor granorum, atque eandē cum siclo rationem obtinuisse. hæc legimus in lib. Misnaioth, tract. de Bechoroth cap. 8. parag. 7.

DENARIVS דָּנָרִים

Denarium argēteum & aureū in usu fuisse apud Iudeos, Helias in Thesbithe docet, radice נָרָה. Et Moses Gerundensis in Exodū pag. 72. col. 4. & Chaldæus paraphrastes 2. Reg. 5, 5. & Misnaioth de angulo cap. 8. parag. 1. & tract. de decima secunda cap. 2. parag. 1. & 2. & cap. 14. parag. 2. Valuit autem denarius sex MEGHOTH, hoc est grana hordei nonaginta sex, vt expōnitur in lib. Misnaioth, tractatu de Sebughoth cap. 6. parag. 8. in Commentariis.

Deinde alium etiam denarium maiorem indicatum obseruauimus in lib. Misnaioth de decima secunda, cap. 2. parag. 2. & tractatu de Chethuboth cap. 5. parag. 1. vbi dicitur denarius argenteus esse quarta pars ZZELAGH, atque idem denarius diuidi solere in quatuor partes certis numismatis argenteis notatas. Denarii Idem describitur in iisdem libris tract. de Ghedioth, cap. 1. parag. 1. & de votis cap. 3. parag. 8. & de Nezichim cap. 4. parag. 8. & posteriori tract. de Nezichim, tract. 2. ca. 4. parag. 1. & de Gheruioth cap. 4. parag. 1. Comment.

Hunc autem existimamus esse denarium diurnum, qui æqua rusticæ operæ merces fuisse, in Euangelio indicatur, Matth. 18. Ex iisdem vero tractatibus & locis, accepimus denariū aureum valuisse viginti quinque argenteos.

DRAKMON. דְּרָקְמָן

Drakmon solidus nummus argenteus fuit sedecim granorum hordei, unde Drakmon apud Græcos nomen accepisse arbitramur; quanquam non idem pondus sit utriusque. Huius nomen Arabicum est Darhaam: describitur autem eius ratio in lib. Misnaioth, tract. de Chethuboth cap. 5. parag. 1.

Eiusdem ferè nominis vna tantum litera CH, in vicinam K est mutata, D A R A K M O N aureus nummus Esdræ & Nehemiac tempore, ad templi farta tecta paranda viritim oblatus, Esd. 2, 69. & Nehem. 7, 69.

Minæ di-
midium.
דָּנָרָה

לְדָקְמָן

Aureus na-
merus.

IZZAR אַסְתָּרָא ASSARION, ASSIS.

Peregrinum etiam & nominis & nummi genus fuit IZZAR æreum ut putamus, quod fuit valoris nonagesimæ sextæ partis ZEELAGH. ut docemur in lib. Misn. tract. de decima secunda cap. 3. parag. 1. & ca. 4. parag. 1. & n. & tract. de Gittim. cap. 1. parag. 8. & tract. de Nezichim cap. 8. parag. 1. Et in posteriori tract. de Nezichim cap. 4. parag. n. Et de GHERVAIOTH. cap. 4. parag. 7. Scribitur etiam duo IZZARIUM facere pondium vnum. In eodem libro tract. de decima secunda cap. 4. parag. n. & hoc pretio dicitur emi solere malogranata vndecim, vel ficus centum, vt legimus in Misnaioth de angulo cap. 8. parag. 8. in libro Midras VAIKRAH RABBA fit mentio huius IZZAR, sub æstimatione minoris monetæ, qualē grossum nunc vulgò dicimus; & in lib. Haruch. Atque hanc monetam in Euangelio significatam arbitramur, Matth. 10, 29. Nónne duo passeres asse veneunt? Græcè legimus ασαρίου eadem ferè voce cum IZZAR, cùm δ litera aliis per duplex ss, aliis per zz pronuntietur, dum ad aliarum linguarum scripturam refertur.

PONDIVM ITALICVM. פונדרוֹן אוֹטְלוֹקִין

Inter externos nummos Pondium quoque Italicum in vsu receptum est, quod duobus AZZIRIM, hoc est assariis constabat: cuius mentio fit in lib. Misnaioth tract. de Chelaim ca. 17. parag. 2. Et de Nezicim tract. 2. cap. 4. parag. n. & in Comment. de Ahaloth cap. 3. parag. 8. & tract. de angulo. cap. 8. parag. 8. in Comm. & in eodemi capite, parag. 7. legius duo vulgaria pauperiorum prandia emi solere pondio uno. Idque etiam exponitur in tract. de decima secunda cap. 4. parag. n. & tract. de Gharubim cap. 5. parag. 2. in Comment. Et tract. tertio de Nezicim cap. 5. parag. 8.

AZZPER מַזְפָּרָם MAZZPARIM מַסְפָּרוֹם

Asper monetæ iam diu apud Orientales in vsu nomen, est vnius denarij valore, ut docemur lib. Misnaioth de decima secunda cap. 2. parag. 2. & in tract. de Ghediuth ca. 1. para. 1. dicitur esse nummus Græcus.

Est & aliud argenteæ monetæ genus MAZZPERIM olim dictum in plurali numero, quæ verè erat vigesima pars ZZELAGH: estque idem illud, cuius haec tenus apud Turcas extat pondus, & nomen AZZPAR. Indicatur in lib. Misnaioth, tractatu de decima secunda cap. 2. parag. 2.

ADARCON. אֲדָרְכוֹן

Medi nummi genus fuisse videtur quod apud Esdram legimus nomine ADARCONIM, ab interprete Latino Solidos redditum; Esd. 8, 27. cuius etiam mentio fit in lib. 2. Paralipom. cap. 29. vers. 7. In lib. Misnaioth, tractatu de Siclis cap. 2. parag. 7. definitur eius æstatio duobus ZZELAGHIM. quæ fuisse etiam dicitur antiqua.

AVRVM siue AVREVS. אַרְבָּהָב

Auri nomen, cùm ad nummorum rationem significandam, addito numero vsurpatur; Siclorum pondere explicandum esse iam superius docuimus. Atque ita interpretati sumus locum Jud. 8, 26. Et fuit pondus eorū septingēti auri (vt noster Interpres recte addidit) sicli. Idem etiā sentit Leui Gersonis filius, in illo loco, & 2. Reg. 5, 5. & 2. Paral. 9, 16. Quanquam Chaldæus paraphrastes denarios aureos vertit: idque non inconcinnè fortassis in lib. 2. Reg. 5. Vbi ratio ex Damascenis monetis peteda videtur. In Hebraicis historiis, quæ Iosephi Gorionidis nomine inscriptæ sunt, legimus nomen ZAHVB, quod Latinè aureum dicimus, definitum Philipporum siue Philippicorum nomine, quod regale numisma & celeberrimum fuisse etiam Horatius testatur; fit autem mentio huius, lib. 2. Historiarum Iosephi cap. 7.

Sunt præterea alia nomina minus celebria, in anti-

quis libris, sed quorum usus vulgaris fuisse, & ex aliarum gentium linguis acceptus videri possit; cuius generis exempla sunt;

TEBAGH, quod dimidium siclum valebat, ut exponitur Misnaioth de Chelaim cap. 2. parag. 7. טְבָעַגְה

HUVRZZA, quod paraphrastes Chaldæus, apud Ios. cap. 24. KESITA reddit. חֻרְצָה

TARPAGHITH, ab auctore Haruch dictus numerus cum dimidio, cuius podus erat septuaginta & octo granorum hordei, ut habetur in lib. Misnaioth de Che thuboth, cap. 5. parag. 7. טַרְפָּגִית

TRIANA, nummus Traianicus in Haruch. טְרִיאָנָה

TARZZIT, cuius etiam in Haruch mentio fit. טְרַזְזִיט

LATER monetæ genus, quod Stater nonnulli dicunt, Haruch. לְטֵרֶר

LVMI in eodem Haruch sine æstimatione tamen certa legitur. לְמִי

CHINAH est etiam nummi genus in Haruch. כְּנִיאָה

CHVZAB moneta, quam Chozba cuendam curavit, ille fortassis, cuius mentio in Actis Apost. fit. כְּנִזְבָּה

PESSVT solidus nummus in Haruch. Et apud Heliam Leuit. in radice פְּשָׁוֵת

PELEZZ monetæ genus non cusæ in Haruch: sed Chaldæo paraphrastæ in Ezechiel cap. 4. & 37. Siclus est. פְּלֵזָז

PVLAR nummus est quidam in Bereith Rabba. פּוּלָר

PARADIGMA vox Græca est, quæ exemplar significat: fuisse autem monetæ probatissimæ genus hoc nomine appellatum legimus in Haruch. פְּרָדִיגָּמָה

NIKA מְלֻחָה duo monetarū nomina in Har. scripta. נְקָה

GARMAN גָּרְמָן HANITS חָנִיט monetarum nomina in Haruch. חָנִיט

ZZAIE NAK צְנִיקָה SAPHAN siue SIPHNA Hadriani monetam fuisse tradit auctor Haruch. שְׂפָנָה

KANTAR Iacorum lingua valet quātum DINAR: ut docet Gerundensis in Comment. legis pag. 156. col. 1. קָנְטָרִין

KONTRINAK Quatinus est in Haruch. קוֹנְטְּרִינָק

DE CHICHAR. צְחִיכָּר

Maximi inter Hebræos ponderis nomen idemque antiquissimum est CHICHAR; pro quo Latini & Græci talentum plerumque verterunt. Sed quoniam Græcorum talerorum non vnam rationem, æstimationemq. fuisse, ex eorum, qui de asse cōscripterunt, libris constat; nos nomen ipsum Hebraicum ita ut pronuntiatur reddentes, rem ipsam ex auctorum lectione expendemus. Atque ex verbi quidem etymo nihil magnæ significationis ad interpretandū afferre possumus, nisi dicamus Chichar fuisse ponderis speciem planam, & extensam placentæ instar. quippe in naturalium rerum nominibus Chichar planiciem significat, qualis in agro Sodomorum, inter montes erat: sèpè enim hoc nomen ad eam rem indicandam usurpatur.

Inuenimus autem in antiquis libris Chichar, pro pôdere absolute positum, ut in li. Misn. tract. de angulo, cap. 8. para. 1. Misnaioth de CHELAIM cap. 2. para. 2. Neque fuit ratio habita numeri, sed ponderis in Chichar, cuius pondus fuisse videtur ferè mille & octingentorum siclorum, hoc est nongentarum vnciarum: Namque Camhius & Leui Gersonides lib. 1. Samuelis ca. 17. affirmant tertiam partem Chichar fuisse ferè sclos sexcentos, siue id ferrum esset, siue aurum, siue quæcumque alia materia. Præterea Camhius in lib. 2. Sam. 5, 8. & 1. Reg. cap. 9. & ca. 10. & c. 16. ait: Chichar auri esse sexcentum aureos, hoc est, ut exponere placet, tantā auri massam, quantam sexcenti sicli conficiunt: namq. hæc in pondere ferè triplo vincent sexcéto argenti siclos, qui faciunt tertiam partē Chichar. hoc pôdere fuit aureum candelabrum in deserto, Mose procurante factum. Exo. 25, 28. & 37, 24. Omne aurum, quod expensum est in opere sanctuarij, & quod oblatum est in donariis

in donariis viginti nouem Chichar fuit, & septingentorum & triginta sicolorum, ad mensuram sanctuarij. Ex quo loco manifestum est, verum pondus Chichar siue auri, siue æris illud sit, ad sicos sanctos, hoc est, argenteos iam explicatos referri debere. Namque septingenti & triginta sicolorum pondus, etiam in auro pars Chichar esse indicatur. Bases sanctuarij ex centum argenti Chichar factæ sunt, singulis Chichar per bases singulas supputatis. Æris ad opus sanctuarij oblata sunt Chichar septuaginta duo millia & quadringenti amplius sici. Et Hiram rex Tyri ad regem Salomonem in templi structuram misisse scribitur cætum & viginti talenta auri. 1. Reg. 9, 14. Ex Ophir vero quadringentorum viginti Chichar pondus auri allatum Salomoni legimus. 1. Reg. 9, 18. Regina Saba centum & viginti Chichar auri Salomoni munus dedit, 1. Reg. 10, 10. & multa alia, quæ in libris Regum de talento dicuntur aureo, ad hanc rationem sunt reuocanda. Similiter & quæ de argenti talento, in Latinis versionibus commemorantur, vt 1. Reg. 20, 39. Et Naaman Syrus decem Chicharim argenti & sex mille aureos, ad regem Israelis afferebat, dono datus prophetæ, qui se curaret; ex qua pecunia Chichar Giezi per fraudem sibi postulauit, & duo accepit. Quanquam autem ponderis esset nomen Chichar, tamen in argenti sicles numeratis exsoluebatur; quia sici certo pondere erant, & ex illis poterat certum Chichar constare: quam ob rem in illo loco dicitur Hebraicè, Numera eis Chichar argenti. Et paulò pôst, Et ligauit duo Chichar argenti in sudario. 2. Reg. 5, 21. Et Menahem dabat Phul mille Chichar argenti, vt esset ei auxilium, & firmaret regnum eius. 2. Reg. 15, 19. Et rex Assyriorum imperabat Ezechia regi Iudæ trecenta Chichar argenti, & triginta Chichar auri. 2. Reg. 18, 14. Et Pharaonem Necho centum Chichar argenti & Chichar auri multam terræ imposuisse legimus 2. Reg. 23, 33. Coronam auream Dauid in Rabba inuenit, cuius pondus erat Chichar auri. 1. Paralip. 20, 2. Dauid ad domum Domini ædificandam filio Salomonem ex testamento reliquit auri Chichar centum millia & argenti mille milia. 2. Paral. 22, 14. Et inducendis auro parietibus adscripsit idem tria millia Chichaïm auri, & septem millia argenti. Principes vero, & diuites viri Israel ex spontaneis donariis, ad idem opus obtulerunt auri quinque mille Chichar, & Adarchonim (de quibus iam diximus) Ribbo, hoc est decem millia & argenti Chichar decem millia, & æris Ribbo. & octo millia Chichar ibidem cap. 29. Amasias Iudæ rex, centum millia robustorum ex Israel centum talentis argenti conduxit. Esdras sacerdotibus, quibus templa sarta teata curanda commiserat, argenti Chichar sexcenta & quinquaginta, & auri centum Chichar appendit. Esdr. 8, 24. Aman Assuero regi decies mille Chichar argenti proponebat causa perdendorum Iudæorum. Esth. 3, 9.

Et quantum ex attenta verborum atque refum consideratione conicere possumus, arbitramur olim in vsu fuisse apud Israelitas & fortassis apud alias Orientis nationes, aurum & argentum rude incertæ formæ ac magnitudinis in tortæ siue placentæ panis speciem conflatum, ad opera deinde facienda, vel ad cuendandas monetas in thesauris adseruari; vt & illa omnia

eiusdem ferè ponderis fuisse, quantum videlicet à nobis est indicatum; ita metallum ipsum melius in opportunos usus conseruabatur, & minori molestia asportari poterat, & commodiùs enumerari aut expendi. Itaque ex hac forma nomen esse acceptū existimamus: namque huiusmodi ex aliis rerum naturis vel forma translatis verbis, artificiorum verba etiam usurpari solent. sic enim Latini auri argenteique massam dicunt, & æris etiam. Hispani ceram expressis fauis in certa vasā infusam, certaque forma duratā, panem ceræ vocant. Sic etiam Hebræi metalla in panis pressioris formam conflata, Chichar vocabant: atq. ita legimus in Zachariæ visionibus, plumbi Chichar in os mulieris sedentis in medio amphoræ fuisse conjectum Zach. 5, 7. Namque, vt diximus, Chichar præterquam quodd loca plana & depresso significat, nomen etiam est panis in tortæ formam subacti & cocti, pro quo Interpres noster propè semper tortam Latinè reddit, vt lib. 1. Samuel. 2, 36. Futurum est autem, vt quicunque remanserit in domo tua; veniat vt oretur pro eo, & offerat nummum argenteum & tortam panis. Et Samuel Sauli prædictis obuiam fore tres viros, ex quibus unus tortas panis tres ferret. 1. Samuel. 10, 4. Et Gedeon à viris Sochoth tortas in bellatorum vietum postulabat. Et Salomon in templi dedicatione populo viritim distribuit singulas tortas panis & partes carnis bubulæ. 1. Paralip. 16, 3. Et Ieremiæ in carcere detento iussu regis, in singulos dies dabatur torta panis. Ierem. 37, 20. Ex quibus locis etiam magnitudo Chichar cognosci potest: erat enim tantum panis, quantum satis esset viro aut mulieri ad cibum diurnum, præter obsonia & pulmenta. Ad hanc etiam formam tortæ caricę aut ficus olim simul coactæ Chichar ficuum vel caricarum dicebatur, vt habemus in lib. Misnaioth tract. de Chelaim cap. 2. parg. 5. Et de rationibus & pôdere Chichar etiam legimus in iisdem libris, tract. de Gharubim cap. 5. parag. 2. in Comm.

Atque hæc certa nobis de pondere illo Hebræis solemni dici possunt. Cætera autem nomina, quæ nobis obseruare cōtigit, peregrina sunt, vnâ cum rebus ipsis, parumque illustria, ex quibus nonnulla subijciemus.

EST D A R H A M Ägyptium pondus granorum hordei sexaginta vnius ex definitione Misnaioth de Geduth cap. 1. parag. 2. Comment.

T A R T I M A R erat dimidiæ minæ pondus, quo carnes in macello appendebantur, vt traditur lib. Mis. de Sanhedrin cap. 8. parag. 2.

L I T R A libram interpretatur Helias Leuita in radice יְלִטָּה Et in libro inscripto Verba dierum Israel pag. 47. col. 4. & pag. 51. col. 1. Et eadem dicitur Mina in lib. Beressith Rabba, cap. 10, 23. 65. Et apud Camhiū. 1. Samuel. 25. Et in eodem loco ita vocatur à Chaldæo paraphaste.

K A N T O R I N sunt talenta in lib. Heliæ Thesbithe in radice קַנְטוֹרִין & קַנְטוֹרִין

K A M I L I A vnicam vocat auctores Beressith Rabba cap. 8. in fine.

Hæc de omni ponderum & mensurarum ratione in vniuersum exponenda obseruabamus

Antwerpiae 4. Cal. Augusti. 1571.

Libros de Ponderibus & Mensuris, ac Nummis sacris, à doctissimo Doctore Benedicto Aria Montano conscriptos, legi & perspexi, dignissimosque impressione & lectu iudicati; utpote nihil habentes, quod vel pietatem, vel bonos mores offendat. Ita ego Reynerus Brakel S. Theologie Licentiatus & Canonicus Cathedralis Ecclesie Antwerpensis.

*Et nos probamus iudicium antedicti Domini Visitatoris BRAKEL
qui est unus collegij nostri Censorij, FRANC. SONNIUS.*

וְרָהָם

לְתָרָא

קַנְטוֹרִין

קַנְטוֹרִין

